



English:
Living with
foreign invest-
ment in PNG -P4

Tok Pisin:
Resis wantaim ol
ausait wok bisnis long
PNG -P5



Se Michael tok klia long
helt bilong em - P2

Ol PNG asples bisnis
laikim moa luksave - P3

Prais i go antap yet...

MASKI i gat ol bikpela risos projek long kantri, prais bilong ol kaikai long stua i go antap yet. Wanpela bas draiva long Lae, i givim tingting bilong em long sindaun bilong kantri tude. Lukim stori bilong Wantok Niuspepa niusman BUSTIN ANZU long pes 20.

FRI
bihain
long
2pela
SMS

Salim
tupela sms.
kisim 18
Fri sms



Kisim 20 teks
long prais lo tupela
teks tasol!

Sapos yu salim
tupela teks namel
long 7am monin
na 9:59pm nait bai
yu kisim 18 teks fri
behain long em.

Digicel

Bikpela, Stropela moa Network bilong PNG.

Digicel Tems na Kondisen bai stap.

GLOBE

...the perfect choice

VITAMIN ENRICHED

More Easy, More Tasty, More Healthy.



Gavman no givim gutpela luksave long HTA

Paul Zuvani i raitim

GAVMAN i no helpim gut Hela Tresisinel Atoriti (HTA) taim em i givim K10 milion tasol long 2011 Mani Plen bilong em.

Bipo Memba bilong Tari na nau Stetman Se Matiabe Yuwi i mekim dispela tok long taim planti samting HTA i laik mekim i no inap.

Em i tok K10 milion i no inap long karimaut wok bilong 350,000 manmeri long nupela Hela Provins.

Hela Provins i laik K200,000 milion i go long K300,000 milion.

“Wanem samting em Hela Tresisinel Atoriti bai mekim long dispela K10 milion.

“Em putim mani long wanpela hap, dispela mani bai pinis na ol arapela hap i nogat.

“Gavman i save dispela mani i no inap na olsem em i mas givim gut mani bai tingting bilong em long kamapim Hela Provins bai kirap gut,” Se Matiabe i tok.

Wantaim dispela em i askim tu Eso Hailans, han kampani bilong ExxonMobil husat i developim PNG Likufaid Neturel Ges long ol i mas givim gutpela luksave long Tari stesin tu.

“Mi amamas long Eso Hailans i mekim gutpela wok long stretim Komo ples balus tasol mipela i

askim tu long em i stretim gut Tari ples balus.

“Komo i praivet ples balus bilong kampani na Tari i bilong pablik.

“Sapos em inap long stretim gut Komo i go long intanesenel level orait em i mas mekim wankain long Tari we ples balus i save kisim ol balus i kam long narapela kantri,” Se Matiabe i tok.

Wantaim dispela Se Matiabe i tok gavman i mas kisim bek kontrak long ol pablik wok.

Inap long nau gavman i lusim planti tausen mani long giaman kontrak na giaman wok.

Bipo Memba bilong Tari na sinia stetman Se Matiabe i tok long taim planti rot insait long Tari taun i no stret.

Dispela em maski gavman na Eso Hailans i givim bikpela mani long Curtain Brothers long mekim wok.

Se Matiabe i tok gavman i givim planti milion kina long kampani long pinisim wok tasol kampani i tok mani i pinis na wok i no inap go het.

“Mi no laik lo gavman bilong Paias Wingti i mekim long 1995 taim em i givim pablik wok i go long han bilong ol kantrakta long mekim.

“Ol kontrakta i tingting long kisim mani na i no tingting long pinisim wok.



GUTPELA WOK: Vais Sif Australia Difens Fos, Lutenen Jeneral David Hurley i lukluk raun long nupela Komo ples balus.

“Ol i mekim liklik hap wok na giaman tok mani i pinis na askim long moa mani. “Maski pastaim mani i stap long poket bilong ol, Se Ma-

tiabe i tok. Taim gavman i kamap Fainens Inkwairi long 2009 long mekim wok pain long mani i paul namel long

2000 na 2006 em i painim olsem K3 bilion i lus namel long dispela taim. Olgeta long giaman tok long kamapim kontrak wok.



MI ORAIT: Se Michael wantaim ol tumbuna bilong em.

Se Michael tok klia long helt bilong em

PRAIM Minista Se Michael Somare i toksave long pablik olsem em i kisim dispela taim bilong saspensen long sekim bodi bilong em bipo long em i go bek long wok.

Em i tok: “Long ol de i go pinis, olsem oltaim mi save kisim long yia, mi go lukim dokta long sekim bodi bilong mi.

“Na wantaim dispela, em i givim taim long mi long stap wantaim famili bilong mi na malolo.

“Mi amamasim 75 kris-mas bilong mi wantaim famili bilong mi long Singapore.

“Mi tok tenk yu long ol lain manmeri husat i stap long PNG na long ovasis long salim gritings long amamasin krismas bilong mi. “God i blesim mi long stap strong na stap longpela taim.

“Planti lain manmeri i wari long bodi bilong mi, na mi laik tok klia olsem mi stap long gutpela han bi-

long ol dokta long Singapore.

“Em i olsem mi mas kisim sek ap long wanwan kwata bilong yia na long mi kisim long dispela taim i no nupela samting.

“Sapos i gat hevi, em i no asua long dokta i mas sekim mi gut, maski dispela i min em i mas katim mi. “Mi tok klia olsem wanem samting i kamap long bodi bilong mi, mi bai tokaut yet long pablik,” Se Michael i tok.

Zurenuoc: Kamapim planti samting long las 20 mun

SEKETARI bilong Provin-sel na Lokol Level Gavman Afeas na bipo ekting Sif Seketari, Manasupe Zurenuoc i tok opis bilong em i kamapim planti samting long las 20 mun taim em i stap ekting Sif Seketari.

Em i kisim dispela taim tu long tok tenk yu long gavman long givim em dispela salens long taim em i stap long opis.

Em i tok lonsing bilong PNG Visen 2050, na tok orait bilong baim autstending bilong ol eks-sevis man i tupela tupela bikpela

samting em i bin mekim long taim em i stap long opis.

Manasupe i tok tenk you long ol wok manmeri bilong Dipatmen bilong Praim Minista na Nesenel Ek-sekyutiv Kaunsil long sapotim em long las tupela yia.

Em i mekim dispela tok long taim Sif Seketari Margaret Elias i holim bung long tok gut bai long taim em i stap long opis.

Em i tok tenk yu long Deputi Seketari bilong Dipatmen, Russel Ikosi long ronim dipatmen long taim

em i stap ekting Sif Seketari.

Mis Elias i tok tenk yu long Zurenuoc long ol wok em i mekim long las 20 mun na i tok maski em i lusim opis, em i stap yet olsem memba bilong Sentral Ejensis Kodineting Komiti (CACC).

Long amamas long em Dariketa Jeneral bilong PNG Ivans Kaunsil, Protokol na Seremoni, Mis Joan Vanariu i givim em sampela samting olsem presen.

Papagraun no save long kamap bilong PMIZ

Paul Zuvani i raitim

OL papagraun long Kananam, Vidar na Rembi i no klia long tok orait bilong kamap bilong Pasifik Merin Industriyel Zon long Vidar, Not Kos Rot, Madang.

Long wanpela kibung ol i holim long Pemplon, Rembi long Tunde dispela wik ol i tok ol i no inap long larim PMIZ i kamap inap long gavman i tok klia long sampela bikpela toktok wantaim ol.

Mausman Alfred Kaket i tokim Wantok Niuspepa long telepon olsem ol bikpela tok olsem En-vaironmen Impek Stetmen (EIS), Agrin long Prinsipel

(AIP), na Austending Len Isu (OLI) em gavman i no tok klia bipo long em i givim tok orait long kampani long mekim wok.

Em i tok ol i bin askim Minista bilong Piseri, Ben Semri; Minista bilong Kommas na Industri, Gabriel Kapris; Gavana bilong Madang James Gau na memba bilong Madang Buka Guli Malai i no kamap, harim wari na tok klia long askim bilong ol.

Long dispela as ol i tok long kamapim wanpela pepa na putim long pablik long dispela ol Minista na memba i kamap na tok klia long wok developmen bilong PMIZ.

Em i tok i gat ol hevi i pas

wantaim dispela ol toktok na i moa gutpela dispela ol memba i mas kamap na tok klia long dispela ol tok.

Mista Kaket i tok bipo long projek i kamap, tupela Minista i mas tok klia long ol. Ol bai singautim narapela kibung gen long wankain ples long liklik taim bihain.

Ol i tok em i no bihainim lo na i no gutpela pasin taim gavman na developa i lusim ol long sait na go het long kamapim projek. Ol i tok i gat planti toktok bilong graun na evaironmen i stap na olsem gavman na developa i mas sindaun wantaim ol pastaim bipo long em i ken go het long developim projek.

KALUWIN: Gavman inap givim luksave long namba wan kabon treading ples long kantri

John Samar i raitim

PROFESA Chalapan Kaluwin, Teknikol Edvaisa long Pillar 5 we i wok wantaim Envaironmental Sastenibeliti na Klaimet Senis i sapotim tingting bilong April Salome papagraun long Ambunti, Is Sepik provins olsem ol inap kisim luksave long gavman olsem i namba wan hap bilong kantri long mekim wok konbon treading.

Dispela bai aninit long Ridus Emisen long Diforestesen na Degredesen (REDD) aninit long Fremwok Konvesen long Klaimet Senis bilong Yunaited Nations (UNFCC).

Profesa Kaluwin husat i mausman bilong ol papagraun long April Salome long wanpela kibung we i bin kamap long Mosbi i no longtaim i go pinis.

Em i tokim ol papagraun olsem sabmisen nau i stap bipo long gavman long givim tok orait long projek i go het.

Em i tokim ol papagraun tu olsem wanpela tim long Nesenel Fores Atoriti bai go long Wewak, hetkwata bilong provins

long toktok wantaim provinsel forestri opisa na Is Sepik Provinsel Gavman opisa long projek i kamap long hap bilong ol.

April Salome i gat mak bilong graun inap long 521,000 hekta bilong bus.

Praim Minista Se Michael Somare i tokaut long dispela hap olsem i Faundesen bilong "soim wanpela gutpela piksa bilong lukautim ol busgraun na wara bilong mipela.

"Mipela i laik ol arapela kantri i mas givim luksave long kantri bilong mipela olsem kantri we i pait agens long pasin bilong bagarapim busgraun na solwara.

"Long wankain wei bilong sevim laip na kisim gut sapot long bus bilong mipela," Se Michael i tok.

Wanpela pablik toksave long 21 Me, 2010 i soim gavman bilong Papua Niugini i tok Projek Disain Dokumen bilong April Salome Fores Menesmen Eria i pinis.

Na ol arapela wok we Renfores Projek Menesmen Limited (RPM) bai go pas long kamapim projek.



SEKIM PASTAIM: Profesa Kaluwin (name) wantaim tupela papagraun long April Salome, Ambunti Drekikir, Is Sepik Provins i skelim tok. Poto: JOHN SAMAR

OI PNG asples bisnis laikim moa luksave

Michael Novingu i raitim

PAPUA Niugini manmeri Bisnis kaunsel i givim tenpela petesen o askim long gavman long givim luksave na sapotim ol long wok bisnis long Papua Niugini.

Mausman bilong PNG Manmeri Bisnis, Se Rabbie Namaliu, i givim tenpela askim long Ekting Praim Minista, Sam Abal, ol kolim Kokopo Dekleresen, long Kokopo las wik we 800 Bisnis Manmeri i lukim na amamas long en.

Mista Abal i tokaut olsem gavman namel long tripela mun, bai lukluk long helpim ol bisnis manmeri long Papua Niugini.

Mista Abal i tok wok kamap bilong PNG Bisnis kaunsel i bikpela samting long PNG we i no stap long bipo.

Em i tok gavman i laik mekim dispela wok long wanpela krismas tasol nau

gavman bai wokim long tripela mun long helpim ol bisnis manmeri bilong Papua Niugini.

"Gavman bai karimaut wok long lukim i mas karim kaikai, i no mipela i toktok tasol moa yet, Abal i tok dispela i no min olsem mipela bai rausim ol bisnis manmeri long arapela kantri, nogat. Mipela bai wokbung wantaim long apim ekonomi bilong PNG."

Mista Abal i tok manmeri bilong Papua Niugini mas wokbung wantaim long lukim ol bisnis i mas groa, sapos nogat bai kantri i pundaun.

Mista Abal i kisim tenpela askim long petron bilong PNG Bisnis Kibung Se Rabbie Namaliu i sanap olosem:

1. Kamapim wanpela minista long gavman bai lukautim ol bisnis long Papua Niugini.
2. Kamapim ol kaunsel memba bilong PNG Bis-

nis manmeri

3. Kamapim na glasm gen ol Bisnis long arapela kantri i laik wok bisnis long PNG

4. Kamapim rot bilong kisim sid mani long wok bisnis na daunim takis.

5. Trenim ol manmeri long mekim Bisnis bai kamapim planti Bisnis manmeri.

6. Kamapim wanpela atoriti long lukautim graun bilong ol manmeri long Papua Niugini.

7. Kamapim wanpela Nesenel Atoriti long sekim, lukim ol Bisnis i wok stret.

8. Kamapim, na lukautim Nesenel Ekwiti bilong kantri.

9. Lukautim ol Bisnis long Papua Niugini i mas kam aninit long wanpela basket.

10. Lukautim sekim ol wokples bilong ol manmeri i laik kam long Papua Niugini.



TRAUSEL SOIM KALA: Tupela bikpela ain trausel i sindaun long Koki long Mosbi, em nau ol i kisim olgeta kala bilong ol, na ol i kamap stail tru. Dispela wik, Gavana bilong Nesenel Kapitel Distrik, Powes Parkop, wantaim PNG Gardener bosman Justin Tkatchenko i bin stap long opim dispela bikpela ain trausel. Dispela em i wanpela long ol nupela stail samting dispela tupela man i kamapim na sanapim long Mosbi long stailim moa yet. Poto: Nicky Bernard

KIKSTATIM DEI WANTAIM



Living with foreign investment in PNG

SOME TIME last year, the Catholic Bishops' Conference issued a statement published widely in the local media, questioning whether the LNG Project was a blessing or a curse.

Like all things, there are two sides to every coin. And in the case of the LNG, the fear expressed by many is that firstly, the promises of riches associated with the Project may not materialize and the effect of that will be disillusionment which will compound our social problems in this country.

For people who have looked at this project closely, one thing that stands out clearly is that the Government did not do its homework before giving its green lights that the Project could proceed. First and foremost, land boundaries were not surveyed and demarcated, and no attempt was made to identify the landowners.

Thus, after promising the landowners funds at the Kokopo meeting, the State is now saying they cannot release the money earmarked for "landowners" because they have yet to work out who are the landowners and who are not. And after some cheques were released to certain landowner companies last year, there were allegations that certain cheques were paid to companies owned by non landowners.

We have the Oil and Gas Act and the Regulations to follow but the State and the Developers seem to ignore the Law and adopt positions of convenience to facilitate the Project outside the regulatory regime.

This has been the biggest problem in this country regarding foreign investment. Our government seems totally incapable of maintaining a distinction between its role as a State and its desire to play the role of a business partner with foreign investors.

The role of a government when dealing with foreigners is to perform the functions of a State. And that means on the local level, the government must perform its duties as a government under a written constitution. And in the process of governance, its only guideline is the written law so it must comply with the laws of the land.

However, when dealing with a foreign investor, this government is notorious for totally ignoring the laws of the land and the procedures stipulated under the applicable law. Instead, the government will crawl before foreign capital to pick off equity or shares in the project and from day one the government has transformed the independent state of Papua New Guinea into a "business partner" with the foreign investor. And from there the investors and their "PNG partner" will walk all over the laws of this country.

We need a government and people in government who are clear about their role in this country especially when foreign investment is concerned. The question is: Do we maintain our position as a government of a State to allow private foreign investment to flourish whilst we concern ourselves with our primary function of governance, or are we to become business partners with foreign investors? And if we make the decision to



become the local partner with the foreign investor, then we must spell not abandon our primary role as a government and act as a briefcase carrier for the foreigners.

If we pick up equity in any such projects in the country then with that status of a business partner, we should use that status to enhance our role as a government so that we look after the welfare of our people better.

The effect of our government's failure to maintain the distinction between its role as a state government and its business interest in a foreign project, is that the government disregards its primary function as government and conducts business as a private or local investment company.

Here we see our state ministers and our public servants dining, wining and dancing with foreign investors which in effect, reduces the people to become spectators. Our ministers and our public servants become subservient to foreign business partners and with this state of affairs they can no longer exercise their function as a government and a regulator.

With the above case scenario, the government does not stand up to foreign investors to protect the rights of its own people when it comes to matters like environmental damages or enforcement of contractual undertakings by the foreigners with respect to the rights of our local landowners. Thus, instead of acting as agents for the people of PNG, government is now acting as agent for the foreign investor. And what happens to the local landowners who are mistreated by the investor? Nothing!

The government will cast a blind eye to the treatment the local landowners get from the investor.

A classic example of ill treatment of landowners is the case of the Porgera landowners and the treatment they have been getting from Barrick, the mining company in Porgera. One clan that has been fighting the company is the Tuanda Clan and its Chairman, Sol Taro. There is an agreement in place that requires the Clan to be resettled because right now they are sitting in the middle of mining activities and have to move elsewhere.

The Clan has asked the company to move them elsewhere, but the company will do nothing and we have government officers responsible to assist these people, but both the company and the government officers are doing nothing about the relocation of these people who have lost over 99% of their customary land to the mining company.

This is the biggest problem we have if the government will not stand up to the foreign company to protect the interests of its own people. Look at the local landowners fighting the giant, Rimbunan Hijau, in Port Moresby. This company is the biggest culprit in the logging scene but the National Forest Authority will do nothing about the genuine complaints by landowners against the company.

This inaction by the NFA creates rumours that most of those who work in NFA take bribes from the logging giant.

Logging is one foreign investment that has totally failed to bring any improvement or development in the lives of the forest owners. You contrast that with the business scenery for the giant and you can see that something is not right.

If this government were to get its act together, this country stands to benefit immensely from foreign investment in this country and it is more so with the LNG Project now under way.

However, this government has no vision, insight or determination to perform its function as a state government. Rather, the government either consciously or unconsciously prefers to play second fiddle to foreign investment even to the point where it will not lift a finger to assist its own people against these foreigners. The government's preferred position is to join the foreigners as business partners and that way, isolate the local people to fend for themselves. Other than the courts there is no state machinery in place to address landowner complaints.

In the process of this blindness, our government breaks its own laws and the foreigners follow the government when it comes to compliance with the legal and regulatory regimes in the country. Our government bodies like Taxation Office are compromised in their role as tax collectors. The government will allow massive tax concessions to foreign investors like the LNG project, even without consulting the Taxation Office. And the list is endless. And when the government collects money from these investors on behalf of local people, the money will not be paid to the landowners. An example is Sir Julius now suing the government for about K800 million due to New Ireland from the Lihir Gold Mine.

Does this government have a policy document on foreign companies investing in mining, petroleum, logging, fishing and other major projects in the country? And if so, let us hear it.

Resis wantaim ol ausait wok bisnis long PNG

SAMPELA taim long yia i go pinis, Katolik Bisops' Konprens i tromoi askim sapos LNG Projek em i wanpela blesing, o birua bilong kantri. Dispela toktok i kisim bikpela luksave insait long midia.

Wankain olsem olgeta arapela samting, i gat tupela sait long olgeta kapa mani. Na long LNG, pret plant ii pilim, em namba wan, ol tok promis bilong bikpela winmani long dispela projek bai no inap kamap, na dispela bai kamap bikpela giaman long ol pipel bilong yumi, na kirapim moa hevi.

Ol lain husat i glasim gut tru dispela projek, i tokaut olsem i gat wanpela samting i stap ples kliia. Dispela gavman i no bin stretim gut wok bilong em pastaim long em i givim grin lait long projek i go het.

Pastaim tru, ol boda mak bilong graun em ol i no makim kliia, na nogat wok i go het long luksave long ol tru tru papagraun.

Olsem na, bihain long ol i givim tok promis long ol papagraun long kibung long Kokopo, gavman i tok nau olsem ol i no inap tilim mani bilong ol 'papagraun' bikos ol i mas luksave gut long husat i papagraun, na husat nogat. Bihain long ol tilim ol sek i go long wan wan ol papagraun kampani las yia, i gat planti sut tok olsem wan wan ol sek i go long ol kampani we ol lain i no papagraun, i bosim.

Mipela i gat Oil na Ges Ekt na ol Regulesen i bihainim, tasol gavman na ol divelopa i no luksave long loa, na sindaunim ol yet bihainim tingting long kirapim kwik projek ausait long ol banis bilong ol loa bilong yumi.

Dispela em i namba wan bikpela asua dispela kantri i gat long sait bilong foren invesmen o ausait wok bisnis long kantri. Gavman bilong yumi no inap tru long luksave long wok bilong em olsem Gavman, na laik bilong em long wok olsem wanpela bisnis patna wantaim ol foren investa o bisnis lain bilong arapela kantri.

Wok bilong gavman, taim em i wok bisnis wantaim ol wairaman em bilong mekim wok gavman. Dispela em i min olsem long lokol level, gavman i mas mekim wok bilong en olsem wanpela gavman aninit long mama loa ol i raitim. Na insait long dispela wok gavman, wanpela stia bilong em tasol, em loa ol i raitim na bihainim long kantri.

Tasol taim ol i bungim ol foren investa, dispela gavman i gat nem long abrusim olgeta loa bilong graun bilong yumi, wantaim olgeta wok stia na rot bihainim aninit long loa. Gavman bai wokabout long skru i go long dispela ol ausait bisnis long traim kisim hap se insait long projek. Em nau, long namba wan de yet, gavman i tanim dispela independen stet Papua Niugini, i go kamap wanpela 'bisnis patna' wantaim dispela foren investa.

Em nau bai ol investa na 'PNG patna' bilong ol bai wokabout long laik antap long ol loa bilong dispela kantri.

Mipela i nidim gavman na pipel i stap insait long gavman husat i kliia long wok bilong ol insait long dispela kantri. Moa yet long sait bilong ol foren invesmen. Askim nau i olsem: "Bai yumi holim strong sanap bilong yumi olsem wanpela gavman bilong kantri long larim ol praivet foren invesmen o wok bisnis, na mipela i mekim bikpela wok bilong gavanens, o bai



yumi kamap ol bisnis patna wantaim ol foren investa?

Na sapos yumi mekim disisen long kamap lokol patna wantaim foren investa o bisnis, orait, yumi mas tokaut kliia, na i no lusim namba wan wok bilong yumi olsem wanpela gavman, na kamap man bilong karim brifkes bilong ol ausait man.

Sapos yumi kisim ekwiti insait long wanem kain projek long kantri, orait, long dispela nem olsem bisnis patna, yumi mas yusim long strongim wok bilong yumi olsem gavman, bai yumi ken lukautim gut sindaun bilong ol pipel bilong yumi.

Asua bilong gavman long luksave long wok bilong em olsem stet gavman na wok bisnis bilong em insait long wanpela foren projek, nau i lukim gavman i lus tingting long bikpela wok bilong en olsem gavman, na i mekim wok bisnis olsem wanpela praivet o lokol invesmen kampani.

Em nau yumi lukim ol stet ministra na pablik sevan i kamap ol spekteta tasol. Ol ministra na pablik sevan bilong yumi i kamap namba tu gen long ol foren bisnis patna. Olsem na wantaim dispela sindaun, ol i no inap mekim wok bilong ol moa olsem wanpela gavman na reguleta.

Sapos yumi bihainim dispela tingting antap, gavman i no inap salensim ol ausait bisnis long banisim gut ol rait bilong ol pipel bilong en, long sait bilong hevi longbusgraun o strongim ol kontrak na tok promis ol i mekim long luksave long ol rait bilong ol asples papagraun bilong yumi. Olsem na, gavman i no moa makim ol pipel bilong PNG. Nau, gavman i wok olsem ejen bilong ol foren investa. Na olsem wanem long ol lokol papagraun husat i karim hevi bilong ol investa? Nogat tru!

Gavman bai pasim ai long hevi ol asples papagraun i kisim long ol investa.

Wanpela tokpiksa long hevi ol papagraun i kisim em long ol papagraun bilong Porgera, na hevi ol i kisim long Barrick, maining kampani long Porgera. Wanpela hauslain i wok pait agensim kampani em Tuanda Klen na siaman bilong ol, Sol Taro. I gat agrimen i stap we i tok dispela hauslain i mas go sindaun long narapela hap, long wanem, nau ol i sindaun yet long ples bilong wok maining.

Dispela hauslain i askim kampani long halivim ol i go sindaun long narapela hap, tasol kampani i no mekim wanpela samting. Na i gat ol gavman opisa husat i mas halivim ol dispela lain. Tasol ol opisa bilong kampani na gavman wantaim i no mekim wan-

pela samting long halivim ol dispela lain husat i lusim pinis moa long 99% bilong ol kastomari graun i go long maining kampani.

Dispela em i namba wan bikpela hevi mipela i gat sapos gavman i no inap sanap agensim foren kampani long banisim ol pipel bilong en. Lukluk long ol asples papagraun i wok pait agensim bikpela timba kampani, Rimbunan Hijau long Pot Mosbi. Dispela kampani em i namba wan birua insait long wok loging, tasol Nesenel Fores Atoriti bai no inap mekim samting long luksave long ol belhevi ol papagraun i gat long dispela kampani.

NFA i no mekim samting, olsem na i gat kain kain sut toktok i kamap olsem ol lain i wok long NFA i wok kisim gris mani long dispela bikpela loging kampani.

Wok logingem i wanpela foren wok bisnis we i lus tru long kamapim gutpela divelopmen long laip bilong ol papa bilong ol diwai.

Sapos yu skelim dispela wantaim wok bisnis bilong dispela kampani long PNG, yu ken lukim olsem i gat samting i no stret.

Sapos dispela gavman i stretim gut wok na tingting bilong em, dispela kantri i ken kisim palnti gutpela samting long ol ausait wok bisnis i kam insait long kantri. Moa yet wantaim LNG projek i ron nau.

Tasol dispela gavman i nogat visin, luksave o strongpela tingting long mekim stret wok bilong em olsem gavman. Nogat. Gavman i wok long pilai namba tu bosman long ol foren investa. I go inap em bai no inap apim han moa long halivim ol pipel bilong em yet taim ol i karim hevi long ol dispela ausait bisnis.

Laik bilong gavman em bilong bung wantaim ol forena olsem ol bisnis patna. Em nau bai ol i ken brukim ol asples pipel bai ol i mas lukautim ol yet. I nogat narapela rot bilong ol pipel long bihainim long stretim ol hevi bilong ol. Em kot tasol nau.

Insait long dispela kain pasin bilong aipas man, gavman i wok brukim ol loa em yet i mekim, na ol wairaman i wok long bihainim gavman tasol, na ol i no save bihainim stret ol rot bilong wok bisnis insait long kantri. Ol gavman bisnis olsem Takis Opis i nogat inap save moa long wok bilong ol long kisim takis. Gavman bai larim ol bikpela takis malolo long ol foren investa olsem dispela LNG projek, maski ol i no wok-bung wantaim Takis Opis. Na lista i longpela moa. Na taim gavman i makim ol asples pipel, na kisim mani long ol dispela investa, mani no save go stret long ol papagraun. Wanpela tok piksa i stap nau, we gavana bilong Nu Ailan, Sir Julius Chan, i kotim gavman long K800 milian we Nu Ailan i no kisim yet aninit long Lihir Gol Main projek.

Dispela gavman i gat wanpela polisi pepa i bosim wok bilong ol ausait kampani i kam long wok bisnis long maining, petroleum, loging, pulim pis na ol arapela bikpela projek long kantri? Sapos i gat, tokaut bai mipela i harim.

K100 milian bilong ol PNG rot kontrak bisnis

NESENEL Developmen Benk i sainim wanpela moa o tok orait wantaim Nesanel Rot Atoriti long givim ol K100m long givim dinau mani long ol Papua Niugini rot Kontrakta long wokim ol rot long 89 Distrik long Papua Niugini.

K10m bai NDB i givim pas-taim long givim long ol Kon-trakta igat ol samting long Karimaut wok.

Siaman bilong Nesanel Di-velopmen Benk William Lamur, i tok aninit long moa o tok orait ol i wanbel long em

long givim dinau mani long ol PNG Kontrakta long hamas taim ol bai wokim rot long en.

Lamur i tok, aninit long moa ol i wanbel long en ol dinau mani bai Nesanel Rot Atoriti i lukautim, rausim long akaun bilong ol Kontrakta Benk dinau mani bilong Nesanel Developmen Benk.

Em i tok em i moa gutpela bikos o rot bilong mipela long 89 Distrik long kantri i bagarap pinis, mo yet em tok 80 pesen (80%) long ol man-meri long Papua Niugini istap long ol ruel hap long Papua

Niugini.

Lamur i tok tenkyu long Bosman bilong Nesanel Rot Atoriti Rex Paki long kisim NDB long wokbung wantaim ol long strongim PNG man-meri Bisnis Rot kontrakta long stretim ol 89 Distrik long 21 provins long Papua Niugini.

Em i tok NDB i amamas long wokbung wantaim ol arapela gavman dipatmen long strongim PNG manmeri Bisnis long wok Bisnis go het aninit long Kokopo Deklaren-ol i givim i go long Gav-man las wik.

nus Gavman i mas helpim

BIKPELA toktok i stap nau olsem gavman i mas sapotim ol bisnis manmeri long Papua Niugini na ol i noken peim takis inap ol i kamap strong long wokim bisnis.

Gavman noken kisim takis long ol Bisnis man-meri long Papua Niugini long 20 krismas. Bihain long 20-pela krismas gav-man i gen kisim takis long ol.

Bisnisan na man i go pas long wok bilong Dri-man bilong 2050 Allen Bird i mekim dispela tok tok long PNG manmeri Bisnis Kibung long Kokopo las wik.

Mista Bird i tok, bilong wanem na Bisnis manmeri bilong Papua Niugini i save peim 35 pesen (35%) takis olosem ol Bis-

nis bilong arapela kantri i stap long Papua Niugini.

Bird i tok, yumi mas senisim pasin, sanap strong olsem manmeri bi-long Papua Niugini long lukim kantri i go het.

Mista Bird i tok ol kon-trak wok long wokim rot, bris, haus na ol arapela projek aninit long K100m gavman mas givim long ol Bisnis manmeri long Papua Niugini.

Em i tok, Benk i save sasim bikpela intares ret i no gutpela tumas, gav-man i mas painim rot dau-nim long helpim Bisnis manmeri long PNG.

Minista i bosim mani bi-long Papua Niugini, Peter O'Neill long bekim toktok bilong Allen Bird i tokaut olsem gavman i sapotim Nesanel Developmen

Benk long Daunim Intares ret bilong ol Grasruts Bis-nis long Papua Niugini.

Em i tok, dispela bai helpim groa bilong ol liklik grasrut Bisnis long kantri.

Long wankain taim, bipo memba bilong Rabaul na Fainens Minista, John Kaputin, i tok gavman i abrus long sapotim Bisnis man-meri long Papua Niugini.

Se John i tok, nau em i taim yumi wokbung, sanap strong long kirapim Bisnis bilong yumi long lukautim sindaun bilong mipela.

Em i tok, sapos yumi no mekim nau ol Bisnis long arapela kantri bai i kam rausim ol oil, ges, gol, kopa na ol arapela samting olsem bipo ol i papa long ol plentesin kakao na kokonas bilong mipela.

Gavman laik inapim driman bilong em

GAVMAN i redi long helpim ol bisnis manmeri long kirapim na ronim Bisnis long kirapim gutpela sindaun bilong ol, apim ikonimi bilong Kantri, na long inapim driman bilong gavman long 2050.

Minista lukautim mani bilong Papua Niugini Peter O'Neill i mekim dispela tok tok long samting olsem 800 Bisnis Manmeri i kam long olgeta hap long PNG long kibung bilong ol long Kokopo las wik.

Mista O'Neill i tok, gavman bai wokbung wantaim ol Bisnis manmeri bilong PNG long kisim ol toktok, tingting ol i kamapim long kibung long kamapim loa.

Givim mani long helpim ol long dispela krismas na krismas bihain.

O'Neill i tokaut olsem rot bilong ol Bis-nis Manmeri long Papua Niugini i opim pinis long yupela bai kamap Papa Mama long ol Bisnis bilong yupela.

Gavman i givim K20m pinis long Ne-

senel Developmen Benk long opim Mikro Benk long Disemba 2011 long ol Bisnis Manmeri long Kantri long kisim mani na ronim wok Bisnis bilong ol O'Neill i tok.

O'Neill i tok, mipela i no inap rausim ol arapela bisnis manmeri i kam long arapela kantri, nogat yumi bai wokbung wan-taim long apim ekonomi o wok bisnis bilong Papua Niugini.

Em i tok, gavman bai strongim promot-ing lukautim bisnis bilong Manmeri bilong Papua Niugini.

O'Neill i tok gavman bilong Somare i luksave olsem ol manmeri i no inap long wok bisnis ol yet olsem na gavman bai helpim ol long kirapim bisnis bilong ol long i gat planti samting na mani long apim ekonomi o wok bisnis bilong kantri long kirapim gutpela sindaun bilong ol manmeri long Papua Niugini.

Noken kisim dinau long arapela kantri

Michael Novingu i raitim

NOKEN kisim dinau mani long arapela kantri long wokim wok Bisnis long Papua Niugini.

Kisim dinau mani long Benk bilong yumi yet, na kirapim wok Bisnis bai go het na mani bai stap long Kantri.

Gavana bilong Morobe, Luther Wenge, i mekim dispela toktok long pasim PNG manmeri long Bisnis kibung long Vunapope Kokopo las wik.

"Yumi noken kisim

strong long arapela kantri, nogat! Yumi mas sanap strong long tupela lek bi-long mipela yet kirapim kantri go het," Wenge i tok.

"Nesanel Entem bilong mipela i tok ol pikinini bi-long Papua Niugini long kirap, sanap tasol ol man-meri i slip yet. Em i tok sampela Papua Niugini manmeri i no laik slip, olsem na tude yupela kam bung hia long kirapim bis-nis long kirapim kantri bai go het.

"Nogat wanpela samting bai kamap nating,

nogat! Yumi mas wok hat long kisim ol samting yumi laikim long en," Wenge i tok.

Em i tok moa olsem gavman bai sapotim man-meri long Papua Niugini long wokim bisnis long apim ekonomi bilong kantri, moa yet, em i tok Morobe gavman bai sapo-tim PNG manmeri bisnis long karimaut wok go het.

Em i tok gavman i harim krai bilong ol bisnis man-meri long Papua Niugini pinis bai helpim ol long ki-rapim bisnis long apim ekonomi long kantri long



LIKLIK BISNIS: Mekim mani long stretim sindaun em sapim diwai na mekim kaving. Yumi olgeta i gat kainkain save na talen long dispela graun. Bikman i givim save long kirap na mekim samting long kamapim gutpela sindaun bilong yu. Hia wanpela man i mekim kaving na salim long stretim sindaun bi-long em. *Wantok poto*

PNG Bisnis Kaunsel kisim nupela siaman

PAPUA Niugini manmeri Bisnis kaunsel i gat ol nupela Eksektiv Memba long lukautim wok bi-long kaunsel i go het.

Samting olsem 800 bisnis manmeri long Papua Niugini i makim presiden bilong PNG manmeri Bisnis kaunsel em Sir Nagora Bogan.

Ol arapela memba em ol bis-nis manmeri i vot long en long kibung bilong ol long Vunapope

las wik.

Bosman bilong ilektorel opis long Is Nu Briten, Terence Hetinu, i tokaut long ol lain ol i votim ol long Ralum Klub las wik.

Mista Hetinu i tok ol lain ol i makim ol long en i sanap olsem:

Presiden – Se Nagora Bogan

Vais Presiden – Alois Lavu

Sekreteri – Serah Hoda

Tresera – Stanis Bai Ol i makim tu ol maus manmeri long lukautim wanwan rijen bilong ol i sanap olsem: Niugini Ailan – Stella Tumin

Momase – Allen Bird Sauten – Irainaia Timothy Hailans – Ian Mopar

Nupela presiden bilong PNG Bisnis Kausel, Se Nagora i tok tenkyu long ol bisnis manmeri i

makim em long lukautim wok bi-long bisnis manmeri long Kantri.

Em i tok em i hatpela wok, tasol ol i mas wok bung wan-taim long kirapim wok na givim sevis long ol memba bilong ol.

Planti ol PNG Bisnis manmeri i votim ol kaunsel memba, i tokim Wantok Niuspepa olsem ol i amamas long wokbung wantaim ol eksekutiv bilong ol long lukim wok ol i mekim i mas karim kaikai.

Planti wok ol meri i wokim i putim ol long gutpela ples long ol ki posisen long wokim disisen

LONG laspela tupela atikel bilong mi, mi bin toktok long ol kwaliti we ol meri tasol i gat na a rot we ol meri politikel lida long ol



Yut, Meri na Famili wantaim Lorraine Siraba

narapela kantri i yusim ol dispela kwaliti long menesim ol kantri bilong ol, ol koporet ogenaisesen na ol bikipela level bilong mekim ol disisen.

Ples we yu ken lainim planti wok ol meri i mekim na rot we ol wok i mekim sosaiti i muv fowet em yu ken painim long buk Baibel na Provebs 31. Provebs 31 i toktok long "ideal woman" o piksa long gutpela meri we Baibel i gat long en em dispela meri husat i save pretim God na ol narapela i gat luksave long en. Dispela piksa bilong meri long bipo taim yet long Baibel i stap long sosaiti tude? Ansa em yes!

Taim yumi lukluk long Proverbs 31, yumi painim strongpela, gat gutpela pasin, save long planti wok, meri i gat gutpela pasin long tingting long ol narapela na em i strongpela meri we ol narapela i gat luksave long en. Dispela meri i gat mani long wokim bisnis wantaim, ol hausboi long lukautim na haus bisnis long menesim.

Em i patna bilong man bilong em na em i trastimn em long lukautim ol samting olsem graun, propeti na ol samting. Man na ol pikinini bilong em i wokim ol gutpela toktok long en.

Pasin bilong meri i bin olsem long bipo taim bilong Baibel. Dispela i luk olsem piksa bilong gutpela meri stret, tasol yumi ken lukim sampela samting i wankain. Dispela em, long ol meri i save wokim samting long haus olsem menesim haus, famili na ol fainens, lukim olsem lukautim olgeta lain long haus, toktok wantaim pipel long ol kain level na em i karimaut ol wok olsem bisnis meri, gat mani, menesa, kaunsela na i gat kain kain save meri bilong wokhat.

Tru ol meri i gat ol kain save, i gat sampela meri i no go long skul, ol i nogat ol sampela spesel skil o save taim sampela meri i gutpela long

musik, bisnis tisa taim ol narapela i gutpela menesa na ogenaisa. Maski wanem kain stap, ol meri i mekim planti ol kain wok. Taim yu lukluk long ol PNG meri tude, ol kain wok we ol meri i bin save mekim bipo tru yet em ol meri long tude tu i wokim i stap, maski ol kain hevi olsem bagarapim ol meri i kamap bikipela na plantil famili i wok long bruk na vailens agensim ol meri i wok long go bikipela long dispela taim.

Yumi lukim olsem long taim bilong pait, ol meri i save kamap ol lain bilong kamapim bel isi pasin. Long taim bilong hevi insait long komyuniti, ol meri i save painim ansa. Long taim bilong vailens, ol meri i save mekim ol samting long tanim bagarap na hevi i go long gutpela samting we ol i ken helpim ol narapela meri wantaim long en. God i bin givim ol spesel wok i go long ol meri long wok na helpim ol man long mekim ol disisen. Em i save helpim ol long bringim ol ekpiriens bilong ol long laip long situesen o kain stap i helpim ol. Wantaim ol dispela, yumi ken lukim olsem kontribusen bilong ol meri i mas stap long nesene level na bikos ol meri i ken toktok wantaim pipel long ol kain level, na ol kain wok ol i ken mekim, ol i ki patna long developmen.

Inap luksave i go long ol meri na i no tasol long ol intanesenel konvensen o ol lo, tasol insait long komyuniti, givim ol sans long go insait long ol wok developmen, ol disisen gavman i wokim nau bai i no fea long narapela hap bilong populesen. Em long ol meri, ol disebol lain na ol yut husat bai nogat maus long mekim kantri bilong yumi wanpela gutpela kantri i wokim ol samting long lukautim em yet.

Kuk kos i kamap long TAFE Kolis

TUPELA wik kos long Komesel Kuk i bin stat long las wik Mande long ol lain husat i laik kisim skul long kuk na salim kaikai.

IEA Intanesenel Kolis bilong TAFE, Ela Bis kempus i holim kos long tupela wik olsem hap long Hospitaliti kos bilong em tasol ol i wokim bihain long skul taim long nait na long wiken.

Kos i ron long 5 kilok apinun inap long 8 kilok nait long Mande inap long Fraide, na long 8 kilok moning inap long 12 kilok belotaim long Sarere na Sande. Kolis bai gat trenspot long lusim ol manmeri bihain logn skul long nait taim.

Setifiakt 3 long Hospitaliti (Komesel Kukeri) kos i fokus long ol spesel eria. Program ya bai i no

givim ful kwalifikesen tasol sapos ol i laikim dispela, ol i ken sindaun long moa kos bihain taim. Long nau, ol bai kisim Setifiket bilong Ateinmen tasol.

Ol kos yunit we ol i ofaim nau em long Food Safety na ol eria olsem Bihainim Wokples Haijin, Klinpela Hauskuk olgeta taim na Go Hetim ol rot bilong gat Fud Sefti.

Narapela em long Cooking the Books na aninit long en, ol eria olsem Ogenaisem na redim Kaikai na Prisenim Kaikai.

IEA i ofaim dispela kos long sapotim bikipela laik long dispela kain wok long Hospitaliti bisnis tude.

Ekting Het bilong Dipatmen, Larry Teneke, i tok sapos planti lain long Mosbi i laikim dispela kos, ol bai ranim tu long ol narapela hap bilong kantri.

Winmani bai helpim long greduesen



WIN BAI HELPIM: Jessica i winim K2,000 na kisim sek long wanpela wokmeri bilong Dijisel. *Poto: Dijisel Midia*

WANPELA sumatin meri husat bai greduet long Yuniwesiti bilong PNG (UPNG) em i laki namba wan wina bilong wanpela resis em bikipela mobail kampan, Dijisel, i karimaut long dispela taim.

Jessica Philips bai greduet na kisim digri long Turisim na Hospitaliti Menesmen long

UPNG i bin winim K2,000 long NRL Tipping Kompetisen long las wik.

Nem bilong resis we i gat wanpela wina olgeta wik em ol i kolim long "NRL Tipping Competition" i bin stat long Mas 16, 2011 na bai pinis long Septemba 6, 2011. Long resis, ol man i mas salim SMS

long Dijisel telepon nem bilong ol wina long 8-pela Ragbi Gem resis ol i save pilaim long Australia olgeta wiken. Yu ken salim SMS i go long namba 1682.

Taim em i tok amamas long Dijisel long kamapim ol kain resis we em i givim bek i go long komyuniti, Jessica i tok.

GLOBE

....the perfect choice

VITAMIN ENRICHED

More Easy, More Tasty, More Healthy.



Siassi Lutheran Sios redi long makim 100 yia

Paulus Tali i raitim

FONDE Epril 28, 2011 i bikpela de bilong ol Siassi Lutheran Distrik pipel long Siassi Ailan, Morobe provins bikos ol bai selebretim 100 yia long wok bilong sios long hap.

Ol pipel nau i mekim ol wok redi long bikpela de long sios bilong ol. Het Bisop bilong Evanjelikel Lutheran Sios bilong PNG (ELC/PNG), Reveren Giegere Wenge, bai go pas long lotu selebren bilong tingim ol namba wan Lutheran Misinari bilong bavaria long Gemeni i bin bringim Gutnius na ol narapela sevis i go long ol pipel bilong Siassi Ailan.

Wantaim Reveren Wenge, bai gat 5-pela sios lain i kam long Gemeni na 15-pela i kam long Australia, husat bai makim sios long ol wan wan kantri bilong ol long makim 100 yia selebren long Siassi Ailan.

Siassi Ailan i stap namel long Wes Nu Briten na Morobe provins, tasol em i hap bilong Morobe provins.

Namba wan misinari bilong Gemeni i bin krugutim graun long Siassi Ailan na planim Gutnius bilong Bikpela em long Reveren George Bamler.

Long Epril 28, 1911, Reveren Bamler na grup bilong em i bin kamap long Aromot na ol i makim dispela de olsem stat bilong wok misin long Siassi.

Em bin go sindaun long Mokai na bihain, i go moa na sindaun long Gerem em wanpela liklik maunten i stap baksait long ples



Misineri George Bamler go kamap long ples Siassi long Epril 28 1911.

Yangia long is kos bilong Ruk Ailan o Umboi. Namel long 1920 na 1923, Reveren Bamler i bin go mekim wok long Satelberg tasol long 1923, em bin go bek long Siassi na sindaun long Karapo. Wantaim helpim bilong ol wokman bilong Tami, Tamigidu na Bukauwa, em i wok i go na lukim kaikai long wok bilong em i karim kaikai na em i amamas.

Tasol em bin dai long Epril 12,

1928 taim wanpela diwai i pondaun antap long em na kilim em i dai. Bihain long em, wanpela Pasto we ol wok bilong em i no stap long histori rekot bilong sios em Reveren Petke, i bin go sindaun long hap na mekim planti wokPasto Roland Hanselmann bilong wanpela misin sosaiti long Amerika i bin lusim Karapo na go sindaun long Aweikon long wes bilong Ruk Ailan. Taim Pasto Hanselmann i pinis wok long hap, Pasto Lorenz Methsieder i kisim ples bilong em long Aweiko, tasol em bin lusim hsp long Epril 1938 na go bek long ples bilong meri bilong em long Australia.

Namel long 1911 na 1936, ol brata long Bukawa, Taemi, Tam Ailan na Yabim i bin mekim planti bikpela wok namel long ol Kristen manmeri bilong sios long Siassi. Bihain ol Siassi man tu i kisim skul na ol i wok wantaim gavman i go long olgeta hap bilong Siassi Ailan.

Taim ol i bringim Gutnius long ol pipel, ol dispela Geman misinari na ol meri bilong ol i bin bringim tu edukesen, helt, skulim ol meri long

somap, kuk, lukautim haus na famili na ol kain wok olsem.

Long taim bilong selebren, Het bisop Wenge bai toktok long histori, wok na wokabaut bilong ol namba wan misinari na wokabaut bilong Lutheran Sios, ol wok we sios i mekim nau, ol gutpela samting na ol salens em i bungim taim em i karim wok bilong em.

Aninit long lukaut bilong Australia, Siassi Lutheran Sios i lukim ol wok developmen na mekim moa senis long edukesen, helt na wok mani.



Ol tisa bilong Tami, Tamigidu, Yabim na Bukauwa i bin wok wantaim Misineri Bamler.



Poto bilong sampela lain meri i bin skul long Gelem long bipo.

Santu Maria long laip bilong Jon Pol 2

Fr. Mirek Puchacz, MSF i raitim

SANDE Me 1, 2011 i Sande bilong Marimari bilong God na namba tu Sande bilong Ista, bai lukim bikpela selebren long Katolik Sios taim em i makim nau i dai Pop John Paul 2 i kamap bleset o santu.

Dispela selebren bai kamap long Rom na Pop Benedict 16 em bai go pas long dispela sere- moni.

Taim Jon Pol 2 (Karol Wojtyła) i bin stap olsem liklik manki, mama bilong em i dai. Papa bilong em em i no marit gen a em i lukautim liklik Karol.

Long dispela taim, Karol Wojtyła i makim Santu Maria olsem Mama bilong em stret. Santu Maria i kisim ples bilong mama bilong em.

Em i bin laikim tru Santu Maria. Taim em i yangpela man em i dediketim laip bilong em long

Santu Maria. Em i bin kamap memba bilong wanpela grup bilong Santu Maria na rosari i bin stap olsem namba wan prea bilong em.

Taim em i kamap bisop em i bin dediketim laip bilong em yet moa yet long Santu Maria. Long emblem bilong em (olsem ol bisop i mekim), em i putim leta M aninit long kruse. Dispela i makim Santu Maria i sanap aninit long diwai kros bilong Jisas, Pikinini bilong em. Na tok: "Totus Tuus" i kamap olsem motto bilong wok bisop bilong em.

Dispela tok: "Totus Tuus" i gat dispela mining: mi bilong yu olgeta. Taim em i kamap pop, em i no senisim dispela emblem na motto bilong em.

Em i bihainim dispela dedikesen long Santu Maria long olgeta taim long wok pop bilong em, na i go inap long indai bilong em. Olgeta tok bilong em na olgeta bikpela pas o dokument em i

save pinisim wantaim prea long Santu Maria. Em i bin visitim planti ples long olgeta hap bilong graun we ol manmeri i onaim Santu Maria, Fatima – Portugal, Guadelupe – Mexico, Lourdes – France, Częstochowa – Poland. Na em i bin putim kraun long planti piksa o statiu bilong Santu Maria. Em i bin raitim wanpela ensyklikal leta long Santu Maria "Redemptoris Mater", Mama bilong Ridima.

Taim em i kamap orait bihain long wanpela man i traim long sutim em long Me 13, 1981, Papa Santu i mekim desisen long putim wanpela piksa bilong Santu Maria long wol bilong haus bilong em long Vatikan.

Em i piksa (mosaic) i soim Mama Maria wantaim Pikinini Jisas. Daunbilo long dispela piksa wanpela tok i stap: "Mater Ecclesiae Totus Tuus". Em i min: Mama bilong Sios mi bilong yu olgeta. Long dispela tok Papa

Santu i bin laik tok tenkyu long Santu Maria long lukautim em long em long Me 13, 1981, na em i laik pre moa yet long Santu Maria i Mama bilong Sios.

Long dispela em i bin laik soim mipela rot i go long heven, long pasin bilong dediketim laip bilong mipela long Santu Maria i Mama bilong Sios.

Papa Santu i tok moa: Dispela skwea bilong Santu Pita i bin sot long wanpela samting. Em i bin sot long piksa bilong Santu Maria. Nau em bai mekim yumi i tingim Santu Maria i stap Sios i onaim olsem Mama bilong em.

Na em hop olsem Santu Maria bai lukautim ol Kristen manmeri olsem em i bin lukautim em long taim dispela man i bin laik kilim em i dai. Long yia bihain, Papa Santu i bin go long Fatima long Portugal bilong tok tenkyu long Santu Maria long sevim laip bilong em.



Was gut long tok bilong yu yet, God i harim yu stap

YUPELA ol lida manmeri bilong mipela long PNG, yupela i mas laikim stretpela pasin. Taim yupela i tingting long God na wok long painim em, tingting na pasin bilong yupela i mas senis na stret olgeta.

Ol manmeri i wok long traim God, ol i no inap long painim em. Tasol God yet bai i soim em yet long ol manmeri husat i bilip long em. Olsem tok bilong God Bikpela i tok long Matyu 5:8 ol manmeri bel bilong ol i klin, em ol i ken amamas bai ol i lukim God. Pasin bilong trik na giaman i save pulim ol, manmeri i go longwe long God. Na ol manmeri i tingting kranki long yu lidaman. Olsem na ol i laik traim strong bilong God, bai God i senisim bai God semim ol tru. Stretpela tingting ino inap long stap wantaim ol manmeri i save poromanim pasin nogut. Ol manmeri i bihainim stretpela tingting, ol bai givim baksait long pasin giaman. Na ol bai ronawe long ol manmeri i autim longlong tingting, na taim ol i lukim ol manmeri i wokim rong long ol arapela manmeri, ol bai i kirap nogut.

Plis, mi toktok long stretpela tingting em Holi Spirit bilong God i save lakim tumas ol manmeri, tasol em ino inap lusim rong bilong ol manmeri it ok bilas long God. Long wanem, God i save pinis long ol laik na tingting bilong dispela ol manmeri, na em inap long harim olgeta tok ol i autim. Holi Spirit bilong God i pulapim olgeta hap bilong graun na em yet i mekim olgeta samting i pas gut wantaim. Na em save pinis long olgeta tok bilong ol manmeri.

Olsem na ol manmeri i autim tok nogut, ol i no inap istap hait nogat, God bai i kotim ol na rong bilong ol. God bai glasim gut na skelim olgeta tingting bilong ol lida manmeri nogut. Bikpela bai panimaut olgeta tok ol i mekim na em bai i kotim ol na bai lus. God i no laik bai olmanmeri i go longwe long em. Olsem na God Papa i save putim yau long olgeta toktok bilong ol lida manmeri wantaim manmeri nating. Ol i tok hait, em i harim olgeta tok bilong ol, orait yupela lukaut. Nogut yupela mekim planti tok kros long God Papa bilong yumi. Dispela pasin ino inap helpim yupela liklik. Yupela i no ken sutim tok long God, long wanem olgeta liklik tok hait ol tu bai bringim hevi long yupela. Sapos yupela i wok long giaman, dispela pasin bai i bagarapim yupela ol lida manmeri bilong PNG.

Alkohol abius woksop bai kamap long Lae

BIKOS long ol hevi, wari, dai na planti bagarap we strongpela dring i kamapim long famili, komyuniti, helt bilong pipel long kantri, ol woksop i kamap long 4-pela rijen bilong kantri long kisim tingting bilong ol man long ol rot bilong daunim ol hevi.



Na tu, long karimaut ol wok awenes long ol hevi we strongpela dring i save kamapim na bai helpim daunim na kamapim ples i seif long ol meri na pikinini na komyuniti i wok-about na mekim ol wok bilong ol.

Lae long Morobe provins bai holim tupela de Alkohol Abius woksop long Lae Intanesenel Hotel bihain long Ista. Deit em woksop bai ron long en em April 27 na 27.

Mosbi na Hagen i hoim pinis ol wankain woksoip we Lo na Jastis sekta i wok long go pas long ol, stat long mun Januери long dispela yia yet.

Het tok bilong Lae woksop

em "Stetus bilong Alkohol Abius" na ol i ting olsem samting olsem 1,000 pipel bai kamap long en.

"Taim Lae i lukim moa developmen na moa bisnis i kam insait na moa wok manmeri i kamap, moa hevi tu i kamap. Moa mani nau i go insait long ol komyuniti, i gat moa sans long pipel i kisim strongpela dringwantaim nogat kontrol. Taim dispela i kamap, hevi bilong loan a oda i go bikpela," Zachary Sitban bilong Loa na Jastis Sekta i tok.

Teti spika bai givim ol prosentesen long dispela woksop

long ol samting i karamapim pasin bilon g kisim krangi strongpela dring long ol oge-naisesen bilong ol, provins na Momase rijen.

Insait long las tupela yia, populesen long Lae i wok long go antap na hevi we kisim krangi alkohol i wanpela as long ol.

Ol ripot i soim olsem long ol narapela hap bilong kantri, tu, kisim krangi em i bikpela as i kamapim hevi long loan a oda.

Menesa bilong Bisnis Developmen wantaim SP Brewery, Reg Monagi, i tok tru, SP Brewery i save mekim, salim na kisim winmani long alkohol long PNG, kampani i gat wok long menesim pasin bilong ol man i kisim krangi alkohol.

Long traim kontrolim kisim krangi alkohol na kamapim ol loa na oda hevi long Lae, ol bin putim ol tambu long kisim alkohol, moa yet long Bulolo Distrik.

Tasol dispela i bin lukim piepl i wokim hombru, haitim na

kisim strongpela dring i go long ples tambu i stap long en na yusim ol drag we planti komplem i bin kamap.

Pablik i bin luksave long dispela taim olsem em no wok bilong polis tasol long komyuniti na ol stekholda wantaim tu SP Brewery long wok bung wantaim na daunim ol hevi we alkohol i kamapim long en.

Olsem na ol stekholda i putim han wantaim na karimaut ol awenes wok na pablik i ken klia long ol hevi, sik na bagarap alkohol i ken kamapim long laip bilong ol.

Dairekta bilong g Loa Na Jastis sekta em, Joe Kanekane, i tok bai ol i no inap painim ansa long daunim ol hevi we alkohol i kamapim tude, nogat.

"Wok long dispela bai go het long planti yia i kam. Bai yumi no inap lukim ol senis i kamap tumora, nogat," Mista Kanekane i tok.

Bedauna etpos kisim nupela motobot

GIVIM KI: Minista Zibe i givim ki bilong motobot i go long Komyuniti Helt woka, John Pelosi. *Poto: Helt Dipatmen Midia*



OL PIPEL bilong Bedauna Ailan long Milen Be provins i gat sans long kisim gutpela helpim long helt sevis wantaim wanpela dingi we Helt Minista Sasa Zibe i givim i go long etpos bilong ol.

Long dispela wik, Mista Zibe na ol bikman bilong Helt Dipatmen het opis i bin go long Alotau, Milen Be provins long stap insait long seremoni bilong ol nupela provinsel hetl atoriti memba i kisim luksave long wok na wokim tok promis long statim nupela wok bilong ol.

Name! long ol wok raun bilon g em long provins, Mista Zibe i bin gat taim long kisim tripela awa ron long motobot i go long Bedauna etpos na givim 20 fut na 40 hospawa dingi i go long etpos.

Memba bilong Samarai-Murua em Wesley Gordon na ol bikman bilong nesenel na provinsel helt dipatmen. Provinsel na distrik edministresen na Alotau Jenerel haus sik i bin go Minista Zibe long wokim presentesen.

Dingi bai helpim 400 pipel i stap long ol liklik ailan komyuniti olsem long Bedauna, Kitai, Liliwe na Katukatu insait long Bonabona Lokol Level Gavman husat i laikim dingi long kisim ol siklain i go long etpos na tu, ol riferel keis i go long Alotau Haus sik.

Long toktok bilong em, Mista Zibe i bin tokim samting olsem 200 pipel i bin bung long hap olsem ol bai sanapim nupela Komyuniti Helt Pos kam neks yia we tripela helt woka bai ranim ol program olsem givim banis sut, helt bilong ol mama, en-vironmen na ol helt program olsem ol helti viles.

Taim Mista Gordon i luksave long helpim we Minista Zibe i givim olsem samting i kam long lewa bilong em, em bin tok planti taim, ol politisen i save mekim ol promis nating na i no save inapim ol.

NRI wokim ol nupela senis

Veronica Hatutasi i raitim

GO PAS risets oge-naisen long PNG, em Nesanel Risets Institut (NRI), i wokim ol nupela senis long putim em yet long gutpela ples we i soim olsem em inapim ol nesenel developmen praioriti i stap long Visen 2050.

Na Institut i tokaut tu long ol wok plen bilong em long dispela yia.

Dairekta bilong NRI, Dokta Thomas Webster, i tok Institut i wokim dispela bihain long glasim ol wok na risets bilong rem yet wantaim tu ol wok glasim i kam long ausait insait long 5-pela yia i go pinis.

Nupela senis, Dokta Webster i tok, bai mekim moa wok i kamap na bai Institut i no inap tromoim mani long kamapim ol nupela senis.

Aninit long nupela senis, ol i putim ol risets wok aninit long tripela eria grup we i bihainim Visen 2050 plen.

Tripela em long namna wan, Pipel Pila, namba tu em, kamapim mani i karamapim naturel risos na groan namba tri em, strongim institusen na rot bilong kisim ol sevis i go long pipel.

Long pastaim, ol wok risets bilong Institut i bin kam aninit long 4-pela divisen na dispela em long Ikonmik Stadis, Edukesen, Politikel na Ligel na Sosel na Environmen Stadis.

Dokta Webster i tok dispela straksa i bin stopim institut long karimaut gut tupela bikpela samting ol i bin sanapim NRI long ol na em long, promotim risets long PNG sosaiti na ikonomi, na karimaut ol risets wok long ol hevi long sosel, politikel na ikonomi long kantri na painim ol rot bilong stretim ol hevi long en.

Em i tok aninit long pastaim risets straksa, ol risets lain i bin wok long dispela wanpela eria we ol i kam aninit long en na ol i no lukluk long ol nara-

pela eria na tu, ol sinia risets opisa i save mekim ol wok et-minstresen tumas tasol aninit long nupela senis, ol samting i narakain.

"Olpela straksa em ol i rausim pinis na ol nupela senis i kam aninit long ol ol program we i kisim ol man long ol narapela eria long wok wantaim na kontribuit gut.

Ol i oge-naisim gut ol yet na dispela bai helpim kamapim gut wok. Ol sinia risets opisa bai mekim moa risets wok na bai strongim tu sentrel menesmen sistem bilong institute," Dokta Webster i tok.

Em i tok nupela senis bai givim moa kwaliti long ol risets wok bilong ol.

Long mani plen bilong dispela yia, NRI i bin kisim K1milion moa mani long kisim manimak em bin kisim long dispela yia i go long K4 milion. Dispela bai helpim Institut long karimaut moa risets wok, Dokta Webster i tok.



Mobail Toktok

WANPELA man Hailans i tok olsem: "Mobail pon i kamap na planti i save brukim marit na mekim pamuk nabaut". Em i tru! Mobail pon i save senisim rot man na meri i toktok wantaim. Tasol sampela arapela senis tu i kamap wantaim mobail pon na tingting na pasin bilong manmeri long pren-pasin i senis.

Bikpela senis i kamap long las 10-pela yia. Na 5-pela samting i kirapim senis em long HIVAIDS na toktok i kirap wantaim, ausait tingting i kam wantaim ol lain bilong AusAID na UN, Dokta Clement Malau na "koap" tok i kamap long televisin, mani wantaim manmeri i kam i go long biktaun, senis long kalsa na brukim daun long Lo na Oda na Mobail pon.

HIVAIDS i fosim man na meri long toktok long pren-pasin bikos em namba wan rot bilong kisim HIV binatang. Olsem na ol program bilong banisim dispela binatang i gat tok long pren-pasin insait long en. Bipo, dispela kain toktok i tambu klostu olgeta kalsa insait long PNG na ol marit lain i no toktok wantaim long ol dispela samting. Nau, bikos dispela birua i stap, na bikpela pret long kisim HIV i stap, ol i stat long toktok long pren-pasin na long husat i pren wantaim husat.

Ol i tok, HIVAIDS i kam long PNG long yia 1985. Tasol nau, bikpela wari i stap na ol i pret bai PNG i bihainim pasin bilong lain Afrika na bikpela namba tru bai kisim bagarap long HIV/AIDS.

Ol ausait lain i save pinis long HIV na AIDS i kam bilong helpim PNG long banisim, helpim na lukautim ol manmeri. Ol i kam wantaim tingting na pasin bilong wok bilong ol we sampela i gutpela na sampela i nogat. Yumi PNG i laik bihainim kristen tingting na pasin. Tasol, planti bilong ol dispela lain i no holim dispela bilip na laik na planti i sapotim kain pasin PNG i no tok orait long en olsem man i prenim man, pren-pasin long laik bilong wanwan na seks woka. Las tok na tingting ol i givim em: "Sapos yu yusim kondom, wanem samting yu wokim, wantaim husat, em i orait." Lo bilong pren-pasin, marit-laip, wanem samting i gutpela na nogut, wanem samting i rait o rong – i go pinis nau. Kondom em bekim bilong HIVAIDS!

Dokta Clement Malau, i go long TV na tok long "koap" na yusim kondom. Ol i kolim em "Dokta Kondom". Dispela i kirapim bikpela senis tru insait long kantri. Samting i gat tambu long tok long en bipo na i kamap ples klia. Man na meri i sem long dispela kain tok, tasol tok i kamaut ples klia nau na man na meri i wok long toktok long en. Pampama i wok long haitim dispela tok long pikinini bilong ol tasol i no isi. Samting i stap long TV na ol pikinini tu i lukim na i gat askim na tok.

Toksave em long yusim kondom. Na narapela tok i kamap wantaim (i no long maus bilong Dokta) em pamuk pasin wantaim kondom i orait.

Long wankain taim, planti man i nogat mani bipo i kisim mani nau long logging, welpam, nupela projek, maining, henaut bilong gavman na nau long LNG. Ol i yusim dispela ol mani long bia na pamuk pasin. Nau long Pot Mosbi, ol LNG papagraun i namba wan lain bilong sapotim ol seks woka insait long sitil!

Lo na Oda insait long ples na famil tu i brukdaun na husat i gat mani i kontrolim laip long viles. Long planti viles na taun, PNG i lusim pinis kristen pasin bilong marit na pren-pasin!

Orait! Nau yumi kambek long "mobail pon". Man bilong Hailans i pinisim tok bilong em olsem: "Gavman i mas putim tambu long ol mobai pon."

Sori! Rong i no stap long mobail pon. Rong i stap long man na meri i yusim. Rong i stap long komyuniti i lusim tingting long Lo bilong God, long ol kalsa, na long lo bilong marit na famili laip gavman i mekim.

Nau, long mobail pon, planti i save toktok-nogut, mekim ol plen-nogut na salim ol piksa-nogut. Mobail pon em rot nau bilong bagarapim kantri. Bihain bai yu harim man o meri i tok olsem: "Mi kisim sik AIDS long mobail pon". Man em i rong bikos em i yusim gutpela samting long rong weil!

Uli Beier i dai

...Man i kirapim
tingting na wok
long lukautim
kalsa



ULI BEIER: Man husat i strongim tingting long lukautim ol tumbuna samting, kalsa na ats long PNG, long haus bilong em long Sidni, Australia.

Poto: Don Niles, IPNGS

Don Niles i raitim

WANPELA man i bin wokim bikpela kontribusen long wok developmen bilong PNG long sait bilong edukesen, kalsa, risets, poetri na ats, i bin dai long Australia las wik.

Ulli Beier i bin gat 88 krismas i bin dai long ples bilong em long Australia.

Em bin kam long PNG long 1967 na wok long Yunivesiti bilong PNG inap em na meri

bilong em, Georgina na tupela pikinini man bilong em, Sebastian na Tunji, i lusim PNG na go wok long Afrika. Long 1974, Uli na famili bilong em i bin kam bek bihainim askim bilong Sif Minista long dispela taim, Michael Somare, na statim Institutu bilong PNG Stadis (IPBGS), wanpela gavman institusen bai go pas long wok stadi long ol PNG kalsa.

Long ol wok taim bilong em long UPNG, em bin pulim sampela ol

bikpela save sumatin long dispela taim long kamap ol raita bilong buk, poetri husat i bin gat bikpela driman na tingting long ol eria olsem akioloji, akiteksta, at, filim, ol tumbuna stori, literetsa, musik, potografi na printing. Dispela em ol eria Uli i givim bikpela tingting long ol long kirapim IPNGS. Sampela long ol biknem man em i helpim Uli long kirapim ol wok na risets long IPNGS em long Apisai Enos, Ilaita Gigimat, Andrew Hila, Chris Owen, Zbyszek Plocki, Segg Putahu, Jacob Simet, Pamela Swadling, Kundapen Talyaga, Pou Toivita, John Urmaglsa na Philip Yamasisi Yayii.

Long UPNG, ol sumatin lain i bin kisim skul bilong Uli na raitim ol drama pilai, poetry na ol sotpela stori na bihain i kamap ol bikman long politiks na gavman em long Leo Hannett, John Kasaipalowa, John Kaniku na ol narapela moa.

Bikos Uli i bin wok long kantri Nigeria long Afrika olsem Dairekta bilong Institut ov African Stadis long lfe Yunivesiti long Nigeria, Mista Somare husat i bin Sif Minista bilong PNG, i bin save olsem dispela em man husat i ken go pas long institute i lukluk long long ol war na hevi ol manmeri i gat, bungim ol metiriel bilong yusim long ol skul na toktok long ol samting we turisim in ap kamapim long kantri na pipel.

Olsem na long askim bilong Mista Somare yet, em bin kam bek gen wok long PNG long narapela 4-pela yia na kirapim IPNGS.

Pastaim, IPNGS opis wantaim go pas bilong Uli, ol bin kirapim long 4 Mail long hap we Seoul Restron i stap long em nau. Tasol bipo long PNG i kisim indipendens, ol i surukim long Boroko we em i stap inap long tude.

Wantaim Uli olsem dairekta, IPNGS i bin kamap wanpela opis i mekim planti wok long ol samting i sut kalsa, we ol woklain, ol UPNG sumatin na ol narapela i karimaut ol wok risets. i bin gat fanding na ol narapela samting bilong sapatim ol lain long mekim ol wok na ol risets.

Institut i bin ron strong we ol i wokim ol filim (muvi) na soim, ol i raitim ol pilai na poetry na putim kamap ol long pablik i lukim na ol i wokim ol ats so long ol peintin, droing na poto

samting bilong ol PNG atis. Ol redio program i kamapim ol tumbuna stori, ol tet wol at, kalsa, poetri na musik. Ol bin save gat ol ges leksara, poetri rit na ol semina long oral histri bilong Enga wantaim ol Melpa lida.

Fanding long ranim na sapatim ol wok long IPNGS i bin kam gut long gavman na ol gremani we Uli i bin askim long sapat na kisim i kam long ol kalserel ogenaisesen, Nigeria na Senegal long Africa we i soim olsem Uli i gat nem long ol dispela kantri.

Planti ol megesin na buk em ol i kamapim long dispela taim wantaim go pas bilong Uli. Namba wan em long "Gigibori- A Magazine of PNG Cultures" we ol kontribusen i bin kam long planti ol biknem lain long kantri olsem nau Praim Minista Se Michael Somare, nau i dai Bernard Narokobi, Albert Maori Kiki, John Waiko, Jacob Simet na planti narapela moa, i bin gat ol diskasen pepa we ol bikman, sampela long ol nem antap, ol UPNG leksera na ol sios lain i save autim tingting long kristieniti, eben hausung, kisim i kam bek ol at, wantok sistem, redio, tubuan sosaiti na kalserel polisi. Ol buk, megesin na diskasen pepa em ol bin save prinim long 1974 na skruim i go long sampela yia bihain.

Geit bilong Institut i gat ol droing bilong Georgina Beier, meri bilong Uli husat i wanpela atis tu. Ol droing i stori long wanpela man i go long mun olsem tumbuna stori bilong ol Orokolo pipel long Galp provins.

Long 1978, Uli Beier i bin lusim PNG na go sindaun long Sidni, Australia.

Tasol long 4-pela yia wok bilong Uli na Georgina long IPNGS, ol bin mekim bikpela wok long promotim save, toktok wantaim na luksave long ol tumbuna kalsa olsem ol i bikpela samting long olgeta eria bilong laip na sindaun bilong yumi.

Na long wok bilong ol, ol i givim na skruim save long planti manmeri long kamap long level ol i stap tude.

Na long tude yet, Institut i kisim strong long ol wok na tingting we Uli i bin planim na ol i amamas olsem papa bilong Institut i bin gat ol gutpela visen long Institut na PNG.



SIAMAN

EDVATAISMEN

Long 14th Me 2009, insait long wanpela Mosen long Palamen Haus, Hon. Se Julius Chan MP., Gavana bilong Niu Ailan i bin askim Nesenel Gavman long mekim Riviu long Maining Ekt 1992. Palamen bihain long Se Julius i putim pepa i givim i go long Paliamentari Riferal Komiti bilong Minerals na Eneji wantaim dispela ol Tem ov Referens:

Olsem dispela Palamen i askim Nesenel Gavman long :-

1. Riviu long papa bilong mineral olsem hap bilong bikpela riviu bilong Maining Ekt 1992. Dispela riviu bai kamap wantaim bikpela luksave long:

(a) Riviu long disisen bilong Stet long daunim reit o mak bilong Spesel Sapat Grent (SSG) mak long 1% i go daun long 0.25 % na askim Stet long hariap tru long putim bek 1% Spesel Sapat Grent (SSG) wantaim olgeta kompensesen em i mas peim i go long ol provins stat long dispela taim stret we Gavman em yet, i no bin toktok wantaim ol stekholda o stretim olgeta hevi aninit long ol Toktok insait long MOA.

(b) Putim mak o reit bilong Spesel Sapat Grent (SSG) long 1% i go 10% long FOB sels long wan wan yia na Spesel Sapat Grent ol i givim mas noken pas; na

(c) Lukim olsem ol prinsipel o lo bilong draivesin reventu (5%) i go long ol Provins i mas go tu long mineral exopt.

2. Mekim olsem reit o mak bilong mineral royalty peimen i go antap long 2% i go 5% long FOB sels revenue long wan wan yia.

3. Tok-orait olsem dispela 10% ikwiti mak i go long Provinsal Gavman na papagraun em Stet bai peim olgeta.

4. Tok-orait olsem saplai nab aim bilong ol guds na sevises insait long Papua Niugini mas stap long ol Provins we maining operesin i kamap long en long mekim olsem Guds na Sevis takis i go long ol Provins i go bikpela.

5. Mekim olsem takis kredit skim i go wantaim moa gutpela wok we i go wantaim infrastraksa o rot na bris long kamap long namba wan de stret taim maining operesin i kamap.

6. Givim tok-orait olsem ol maining kampani i givim olsem 10% bilong veliu bilong kos bilong go bikpela bilong ol na i no dispela ol i plen long en pastaim, we bai i mekim peimen bilong ol koporet takis i go longpela taim.

7. Mekim olsem ol maining kampani i wok klostu long sapatim wok bilong wokim rot na bris we Provinsal Gavman i laikim long en na dispela wok i mas stap long maining kontrak.

8. Hariap tasol na stretim olgeta arapela MOA we i stap yet stat long 30 Jun 2009.

9. Senisim Maining Ekt 1992 long mekim rot long transfe o bringim olgeta samting bilong bus, graun na wara (natural resources) olsem timba, fis, maining aninit long solwara, oil n ages i go long papa bilong ol risoses wantaim wanpela mak long peimen olgeta lain i bai amamas long en.

Komiti i pasim tingting nau long kamapim wanpela inkwairi o wok-painimaut na long dispela rot i laik kisim sevis bilong wanpela gutpela Lo kampani long helpim komiti wantaim wok-painimaut bilong en i go insait long Riviu bilong Maining Ekt 1992. Husat lo kampani i gat intares i kem salim pepa bilong en long helpim Komiti wantaim dispela inkwairi i ken salim kwotesin bilong en i go long dispela adres.

Director of Parliamentary Committee Secretariat
P. O. PARLIAMENT HOUSE
Waigani
National Capital District

ATTN: LAWRENCE J. DAVEONA
MAKIM: CONFIDENTIAL

Telefon: (675) 3277759/ (675) 3277784
Fax: (675) 3277206

Mobail:(675) 71971595Dairekta
E-mail: djlawrence@live.com.au

Taim long kisim olgeta bid i kam long ol lo kampani bai pas long 4:06 pm long 21st Epril 2011

Hon. Pitom Bombom MP.
Siaman

Paliamentari Riferal Komiti long Minerals na Eneji



TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

Ol i autim sunami woning long isten Japan

OL I putim aut pinis sunami woning bilong isten Japan bihainim wanpela strongpela guria em namel bilong em i stap klostu long Fukushima nuklia pawa stesin.

US jilojikal sevei i tok, guria strong bilong em 7.1 ausait long si i bin kamap 10 kilomita aninit, na episenta o namel bilong em 86 kilomita long saut saut is bilong Fukushima siti.

Mitirolojikal Ejensi bilong Japan i tok, wanpela wan mita si bruk bai nap hamarim lbaraki prifeksa, em eria i bin kisim bikpela hevi na bagarap long bikpela sunami long mun i go pinis.

Ol i bin givim oda i go long ol wokmanmeri husat i wok long pasim hevi long Fukushima nuklia pawa stesen long lusim i go aut na stap long guria pruf bilding.

Ol i bin klosim wanpela ranwe bilong Narita eapot bihainim guria long mekim ol sefti wok sekim.

Australia foren min- ista i tok em i no pasim em long Pasifik

FOREN Minista bilong Australia, Kevin Rudd, i tok, ol toktok bilong Oposisen olsem, em i no moa lukluk i go long Pasifik, i no tru. Mausmeri bilong Foren Afes long Oposisen, Julie Bishop i tok, Foren Minista, Kevin Rudd, i lusim planti taim lukluk long ol samting i kamap long Midel Is na i no lukluk long ol samting kamap long Papua Niugini, Fiji na Is Timor.

Em i tok, Saina i wok long muv i kam insait long Pasifik na long sem taim ol tingting, na wok bilong Australia na Nu Silan i no moa bikpela insait long rijen.

Tasol Mista Rudd i tok, gavman i bin wanpeal long namba wan long kirapim wanpela Palamen Sekreteri bilong Pasifik Ailan Afes, na apim ol halivim o eid bilong em i go long rijen, long 40 pesen long las tripela yia.

Em i tok, Australia gavman i wok wantaim Pasifik Ailans Forum.

Mista Rudd i tok, em bai go long Papua Niugini long ol toktok wantaim Prait Minista Sir Michael Somare, long mun bihain.

22 tausen Siapan soldia i painim ol dai bodi

SAMTING olsem 22 tausen Siapan soldia nau i mekim wok bilong painim ol dai bodi long Not Pasifik kos bilong Japan.

Japan i yusim ol soldia long mekim dispela wok taim kantri i redi long makim wan mun anivesari bilong guria na sunami disasta em i bin kamap long 11 de bilong mun Mas.

Ol i yusim 90 balus, 50 bot, na 100 daiva long painim ol dai bodi em sunami i bin karim ol i go aut long solwara, taim 14 tausen soldia i wok long lukluk gut moa long ol haus i bin bagarap, insait long ol kar sunami i bin bagarapim ol, na ol maunten pipia sunami i bin wokim.

Ol i no yet save tru tru wanem samting i bin kamap long samting olsem 15,000 pipel

Painim dai ol bodi...



Japan i yusim ol soldia long mekim dispela wok taim kantri i redi long makim wan mun anivesari bilong guria na sunami disasta em i bin kamap long 11 de bilong mun Mas. Hia ol Japan soldia wok long painim ol dai bodi long wara.

taim ol i save gut pinis olsem, 13,000 i bin dai long dispela namba wan bikpela birua ken bihain long Seken Wol Woa.

Wok bilong painim ol dai bodi long solwara bai kamap moa long ol solwara klostu long Rikuzentakata, wanpela liklik siti insait long luate prifeksa em i bin bagarap nogut tru long sunami.

Ol i bin mekim wankain wok painim long wiken i go pinis long dispela kostal eria, tasol ol i bin painim 80 bodi tasol.

Abbot tok, baset bai hat bikos gavman i no kontrolim gut mani

AUSTRALIA Oposisen Lida, Tony Abbott, i tok gavman i wok long mekim ol kain eskus pastaim long givim wanpela hat baset long mun bihain.

Long ol dispela wik i pinis, gavman i wok long min tasol long tok lukaut olsem, baset em bai autim long en long mun bihain bai tait, na wanpela as long dispela em bikos kos bilong kamapim gut gen ol samting bihainim ol taim nogut na birua i bin bikpela moa winim mak ol i bin ting bai kostim.

Nau, Federal Fainens Minista, Penny Wong i tok, mani ol i bin kisim long 'pesenal' na kampani takis i samting olsem 4 bilian dola, tambolo long mak ol i bin ting bai ol i kisim. Oposisen Lida, Tony Abbott, i tok dispela kamapim hevi long dispela mani yia.

Em i tok sapos gavman i no bin westim planti bilian dola long 'insulesen skim, Nesanel Brotben Netwok, na ol arapela projek, em bai noken nidim wanpela hatpela baset.

Israel tok em bai stopim pait sapos ol Palestain i stopim pastaim

ISRAEL i tok em i redi long stop long sutim ol Palestain grup long Gaza Strip, sapos ol Palestain i mekim wankain.

Difens Minista bilong Israel, Ehud Barak, i bin tok olsem bilong bekim ol ripot olsem

political wing bilong Hamas, em i kontrolim Gaza Strip, i mas wanbel tru tru long wanpela tok orait bilong stop pastaim long pait, o sisfaia.

Mista Barak i tok Israel bai bihainim wanem kain pasin ol i lukim ol Palestain i mekim.

Ol bikpela pait we planti dai, i bin kamap wantaim ol Palestain, bihain long sampela lain i bin sutim wanpela Israel skul bas long Fonde.

Filipins pipel klostu long wanpela volkeno i no laik muv

PLANTI tausen pipel long Filipins, em ol i stap klostu long wanpela volkeno, i no harim tok bilong ol atoriti bilong muv lusim ples bilong ol bikos ol i ting volkeno bai klostu pairap.

Ailan we dispela volkeno i stap long en, em ples bilong 7 tausen ol fama, ol pisaman, na ol turis gait, tasol 77 pipel tasol klostu long maunten paia ya, Taal Volkeno i lusim pinis ailan.

Long Fraide, gavman i bin tok lukaut long pipel olsem, magma o hatpela ston insait long volkeno i wok long suvim rot bilong en i kam aut long maus bilong maunten paia.

Ol i lukim dispela taim ol kain ges, solap bilong graun, na ples i hat moa winim ol narapela taim bipo, i wok long kamap raun long Taal lek.

Ol i tambu pinis long ol turis long noken go long dispela ailan em i save pulim planti turis tru.

Taal volkeno i wanpela long 22 volkeno em ol i save soim laip na we ol i lukim pinis 33 pairap long ol, las wan long ol pairap i bin kamap long 1977.

Saina tokim US, maski long 'preach' long human rait

SAINA i tokim US long pinis long pris o tokaut long ol human rait.

Toktok bilong Saina i kamap bihain long enual ripot bilong US stet dipatmen i sutim strongpela toktok agensim Saina long

humen rait.

Taim em ol i tokaut long ripot, ol US opisal i tokaut olsem, ol i wari tru long Saina gavman i arestim wanpela atis na man i save sutim tok long Saina gavman, Ai Weiwei.

US Sekreteri ov Stet, Hillary Clinton, i askim Saina tu long lusim planti ektivis em i wok long arestim ol bikos ol i save sutim tok long gavman.

Saina Foren Ministri mausman, Hong Lei, i tok US i mas lukluk long ol humen rait hevi insait long em yet na maski long suvim nus i go long narapela kantri.

Na nau yet, wanpela UN humen rait panel i tok olsem em i wari long we, Saina i wok long arestim ol ektivis na loya na bihain, ol i save go lus nating, na i tok, dispela em wanpela criminal pasin aninit long intanesenel loa.

Ol i painim bodi bilong wanpela Australia soldia long Kokoda

OL i painim bodi bilong wanpela Australia soldia long Kokoda Trel.

Ol i painim ol bun bilong dispela dai bodi long "Lost Battlefield of Kokoda" we ol i bilip ol Siapan i bin kilim 79 Australia long 1942.

I kam inap tude, ol i no yet painim faivpela Australia soldia husat i bin pait long dispela 'Lost Battle of Kokoda'.

David Morton bilong The Lost Battlefield Trust, i tok wok i go het nau bilong luksave long dispela bodi ol i painim.

Gadafi ami na ol rebel i pait long kontrolim Ajdabyia

BIKPELA pait i go het long Libya namel long difens bilong Gadafi na ol rebel, taim tupela sait wantaim i laik kontrolim Ajdabiya taun long is bilong kantri.

Ol rebel i bin kontrolim Ajdabiya long ol dispela wik i go pinis.

Pastaim, ol gavman soldia i bin kirapim pait wantaim ol rebel long narapela siti long wes ol i kolim Misrata.

Aid ogenesesen, Red Cross, i bin nap long

Pacific BEAT

4, 5, 6am & 4pm, 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



Win bai karim bel pen go

Wanpela man Samarai i tokaut long NBC tok bek program long las wik Fraide olsem dispela disisen bilong Lidasip Traibunel long givim tupela wik mekimsave long Praim Minista Sir Michael Somare em olsem Viles Kot disisen long pik bagarapim gaden long ples.

Kainkain manmeri gat skelim bilong ol yet long dispela disisen bilong Lidasip Traibunel kot we ol ting dispela mekimsave em i no inap long 13-pela sas bilong Praim Minista. Na Praim Minista em het bilong kantri na opis bilong em i bikpela tru winim ol arapela opis olsem na mekimsave i mas bikpela na ino tupela wik olsem.

Tasol bai yumi tok wanem, em disisen bilong Kot na i bihainim Kot sistem bilong yumi hia long Papua Niugini. Em ol ovasis Jas i harim dispela Kot na mekim disisen ya. Ol i no liklik lain o nupela lain bilong harim Kot. Husat



gen bai stopim dispela.

Samting kamap pinis na go pinis. Tasol bikpela samting em, dispela disisen ya bai stap long rekot na bihain bihain husat lida i kamap long wankain Kot olsem bai loya bilong ol i givim piksa long dispela na askim Kot long givim liklik mekimsave olsem long husat lida long bihain taim. Oposisen lida Belden Namah i tok dispela disisen em olsem laisens long stil.

Tasol loya bilong Somare bin tokaut tu long Kot long noken pinisim Somare long wok bilong em olsem memba bilong Palamen na Praim Minista bilong Papua Niugini bikos dispela inap kamapim planti bikpela hevi long kantri.

Ol hevi em tokaut em olsem, Gavman nogat taim

long holim bai ileksen bilong Is Sepik rijenol sit bikos kantri gat 18 mun tasol i stap long nesenel ileksen na tu ol bikpela wok bilong LNG bai i no inap ron gut taim i nogat Praim Minista i stap long mekim ol bikpela disisen bilong givim tok orait na lukim ol wok i ron gut. Ating planti arapela samting olsem ol wok developmen na sevis bilong kantri bai bungim hevi tu long dispela.

Em orait, samting i kamap pinis na go pinis na insait long dispela tupela wik em bai yumi toktok go na win bai karim i go na yumi bai toktok long ol nupela samting we i kam yet long sait bilong gutpela sindaun na amamas bilong kantri na yumi olgeta.

Planti bikpela bel hevi, kros na tingting nogut save kamap na yumi save pairap planti tasol win save karim ol go na yumi save lusim na go het long ol wok bilong yumi. Tok Inglis ol tok; goes by with time.

Wan wik o tupela wik bai kam na go na yumi bai lusim na stap pren yet.

Dispela disisen bilong Lidasip Traibunel em rekot bilong Papua Niugini we ol loya bilong yumi bai amamas long yusim long ol arapela Lidasip Traibunel kot bilong ol long bihain taim.

Ombudsmen Komisin na Pablik Prosekyuta opis i westim bikpela mani na taim long ronim dispela Kot i kam kam inap long las wik Fonde na disisen i kamap na pinis. Amas mani na strong ol i lusim long painim evidens na mekim wok redi long amas krismas olgeta i kam em kaikai bilong em kamap long dispela disisen.

Yumi ol pipel mas save olsem, insait long olgeta gem yumi pilai, wanpela tim mas win na narapela tim mas lus. Tupela tim wantaim i no save win. Insait long Kot tu em kain olsem. Yu no inap dro wantaim man yu Kotim. Em bai win o yu bai win.

WANTOK KOMENTRI

Gavman o bisnis bilong husat?

LAS wik bikpela kibung i kamap long Kokopo, Is Nu Briten.

Dispela kibung i bungim olgeta lokol o liklik PNG bisnis manmeri.

Namba wan bikpela astingting long dispela kibung i kamap, em long pulim luksave bilong gavman long ol hevi ol liklik bisnis i wok long karim, na traim painim ol rot we gavman i ken helpim ol.

Insait long dispela kibung, i gat planti ol kraik bilong ol PNG bisnis manmeri.

Bikpela askim bilong ol, em long gavman i mas daunim takis long ol PNG bisnis manmeri, bai ol i ken resis wantaim ol arapela bikpela kampani na foren investa i kam insait na mekim wok long hia.

I gat sampela gutpela samting i kamap long dispela kibung.

Namba wan, em olgeta i kamap na makim ol nupela eksekutiv bilong stiaim ol i go long bihain.

Namba tu, em ol i kamapim Kokopo Deklaresen, wanpela petisen o askim pepa ol i salim i go long gavman long ol askim bilong ol.

Planti long ol askim, em i sut long gavman i mas opim moa rot, na givim moa luksave long ol samting we i no wok strongim ol liklik PNG manmeri long wok bisnis.

Mipela i ting olsem gavman i noken abrus na pasim ai bilong en long ol dispela lain.

Long dispela kain taim, we planti kain bikpela intansenel kampani bilong ol arapela kantri i wok strong long kam insait long PNG, na rausim ol gris bilong graun, gavman i noken tanim het na lukluk long ol tasol.

Wankain tasol, gavman i noken lukim ol liklik bisnismanmeri olsem ol birua. Nogat.

Ol dispela lain em ol lain bilong hatwok. Ol i save tuhat, long lukim wok na halivim i kamap na i go aut long ol arapela pipel bilong yumi.

Pasin bilong gavman we em i save givim ol kain kain bikpela takis malolo long ol ausait kampani long mekim wok bisnis long kantri, i mas pinis.

Dispela kain pasin bilong gavman long traim go insait na kisim hap winmani long olgeta risos projek i kamap, i mas pinis.

Ol bisnismanmeri bilong yumi, ol i save long ol hevi bilong ol liklik manmeri.

Ol i save olsem sapos gavman i no moa luksave long ol, bai bisnis bilong ol i lus nating tu.

Gavman i mas opim iau, harim tok long ol hevi ol liklik manmeri i pilim, na opim ai long ol nupela rot em i ken painim long strongim ol liklik bisnismanmeri bilong yumi.

WANTOK
 Published Weekly, Thursday, for Word Publishing Company, Ltd.
 P.O. Box 1982, Boroko, NCD
 Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg
Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Published at
Section 58, Allotment 3
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

SPITIM KAR EM I NO WANPELA GEM



**NOKEN
SPITIM KAR.
SAPOS POLIS
HOLIM PASIM
YU BAI YU GO
KALABUS.**

**BAI YU LUSIM LAISENS
BLONG YU, BAI YU PEIM MANI**

Spitim kar em wanpela long ol bikipela samting we i save moa birua na bagarap long rot long PNG na i save kamapim planti dai. Sapos yu spitim kar yu gat moa sans long kamapim birua na kilim yu yet o arapela manmeri. Em taim nau long tingting strong long ROT SEFT – em i no wanpela PILAI

60
km/h
in towns

or as indicated

75
km/h
on highways

**ROT SEFTI
em ino wanpela
PILAI**

Elefan amamasim Nu Yia



OL dispela elefan long Tailen i no waswas nating. Nogat. Ol i daunim na spetim rausim wara long makim bikipela amamas bilong nupela yia long Tailen, insait long Songkran festival long Ayutthaya provins long Epril 11. Songkran em i Nu Yia bilong kantri Tailen. Em i save op long Epril 13, na bikipela wok em ol manmeri i save tromoi wara long ol arapela.

Bebi raino soim pes



NAMBA WAN waitpela bebi rainoseres, we mama bilong em i karim em long Australia Zoo long ples Beerwah long not bilong Brisben, Australia i sanap kisim poto. Australia Zoo i askim pablik long givim nem long dispela nupela bebi raino.

Tok stret long smuk paket



DISPELA em i nupela paket bilong ol smuk long Australia, we helt minista, Nicola Roxon i tokautim long Fonde las wik. Dispela kain poto i soim ol manmeri i kisim ol bikipela sik long smuk em samting olsem 41 ogenaisesen i bin pasim tok aninit long Protecting Children from Tobacco kolisen i bin tok oraitim. (Poto: AAP Images)

Prais go antap



KOGE TRED STOA:Ol kaikai long ol ples stoa igo antap stret. Tasol ol pipol i no wari. Ol still baim yet. Poto: Bustin Anzu

Bustin Anzu i raitim

WANPELA wantok bilong mi, Barnabas Alko, i bin sanap insait long Westpac Bank long Lae wanpela potnait i go pinis na i no amamas long planti samting em i lukim i no stret.

Em i stori i go na em i kamap long wanpela hap mak we em i tok prais bilong ol kaikai i go antap tru i no olsem em i bin i go long stoa long ples sampela 25 yia i go pinis.

Na em i tingting planti, planti wok developmen i kamap yet, tasol ol prais i go antap na laipstail bilong ol manmeri i dia tumas.

Em i givim tok piksa tu olsem long 1980 na ol yia i kamap, K2 i gat planti mining. Long dispela mani, em i ken baim tupela paket trukai rais na wanpela bikpela besta tin pis. Nau, K2 em i no mani, em pepa nating.

Barnabas Alko em bilong ples Sakalem insait long Apa Kagul long Tambul distrik, Westen Hailans Provins. Na em wanpela PMV draiva long Lae siti taim em i pinisim Gret siks bilong em long Tambul.

Taim em i lukim olsem em ino inap long go moa long ol sampela narapela skul, wanpela isi pela wok em long ronim PMV bilong ol ankol bilong em long Lae siti. Em i kamap boskru pastaim na bihain, ronim dispela pmv we em i bin boskru long en.

Em i lukim laip bilong em long ples bipo na nau, wantaim laip bilong siti na lukim olsem insait long sotpela taim, planti senis i bin kamap.

Maski ol kain senis i kamap, ol manmeri i stap wankain olsem bipo.

Em i tok LNG em wanpela bikpela wok maining insait long kantri na i bringim planti sevis na givim wok long planti manmeri bilong kantri na ovasis tu, tasol liklik taim, nois o paia bilong em bai dai.

Na ol bai harim narapela wok

maining o developmen i kamap na bai pairap pairap.

Alko i tok wankain long Porgera, Ok Tedi, Misima na Lihir. Taim nupela yet, ol i mekim planti nois tru, wankain olsem wanem samting LNG i wok long mekim. Tasol taim em i stat wok na kamapim ol gol, kopa, ges na oil, ol i kamap kol pis gen.

"Dispela em wanem samting nau LNG i wokim stap. Taim wok i kamap stret, LNG em i no gat moa stori bilong em. Bai ol i lukluk long ol narapela bikpela wok maining," em i bin tokim *Wantok Niuspepa*.

Em i tok nau yet, ol papa na mama graun i komplem long mani na stopim o blokim ol wok na mekim nabaut i stap.

Tasol dispela em bai ino inap stap longpela taim. Taim prodaksen i wok, ol as ples bai lukim mani i pulap kapsait long ples bilong ol na ol bai pasim maus tasol.

Gavman bai lukluk long ol narapela eria bilong pulim mani long kirapim ples na tu, bagarapim ples.

Kain projek olsem Hidden Veli long Wau na Wafi Gold i wok long pairap liklik, wankain olsem LNG long Hela Provins. Taim ol i kamap long wanpela kain mak, ol tu bai stap isi gen. Gavman bai lukluk long narapela ol projek.

Kain toktok bilong wanpela bas draiva i mekim mi paul, long wanem, maski ol i kirap long moning na mekim wok igo na pinis long nait, tasol ol i save long wanem kain samting i wok long kamap insait long kantri.

Alko i tok taim em i liklik mangi, em i save krai long tin pis. Pis em mama bilong en i skelim pinis wantaim kumu long sevim igo long plet kaukau o rais, tasol em i save krai long tin pis, long wanem, em i laik kinim ol pipia bilong em.

Em i tok em i save resis wantaim liklik brata bilong em Simon. Tasol em i tok mama bilong em i save meri olsem na em i save skelim ol pipia pis bi-

long tupela Barnabas na Simon wantaim. Olsem na tupela ino save krai.

Simon tu, taim em i pinisim gret siks, em i bihainim bikpela brata bilong em na igo daun long Lae long mekim wok olsem boskru na bihain em kamap draiva, wankain olsem bikpela brata bilong em.

"Long dispela taim, ol prais bilong pis i go daun tru. Ol bikpela pis em mi ken tingim, mi save baim long fifti toia na ol liklik pis em ten toia na twenti toia. Ol mabel em long ten toia mi bin kisim 10-pela long tred stoa long Sakalem.

"Nau em nogat tru. Ol koin mani ino gat wok bilong em. Mipela nau lukluk long K5 na i go antap," em i tok.

Sapos kain man olsem bas draiva Alko i ken save long ikonimi na strong bilong mani, dispela i soim wanem samting gavman na ol bikman long pawa i mekim ino samting hait.

Prais bilong kaikai nau igo antap tru. Lukim ol plastik trukai rais. Long 1988-89, prais bilong ol em 70 toia na bikpela pis em siksti toia. Sapos kisim igo long haus, em i ken fitim 10-pela famili. Nau, K10 bai orait.

Ol save manmeri na wok lain i save long wanem samting i wok long kamap. Tasol ol liklik manmeri long ples ino save long wanem samting i wok long kamap long taun wantaim ol savelain.

Ol ples lain ino wari long wanpela samting. Sapos wara i sot, ol pikinini bai ran igo daun long wara klap na pulumapim wara, sapos nogat lait, ol i ken laitim bombom. Sapos paia i sot, ol i ken painim sampela long gaten, sapos ol i hangre, taro, potato, yam na kumu i pulap kapsait long katen. Laip long ples em fri.

Long taun, olgeta samting em mani. Wara i kam long saplai bilong taun, lait i ron long pawa lain, kaikai em yu mas baim long stoa na paia mas kam long paiawut bilong maket o pawa.

Bikpela samting banisim ol dispela samting, em mani.

Prais bilong ol klos ol i werim, balus tiket igo antap na prais bilong ol praivet hausik igo antap em ol lain long rural eria ino klia gut tumas. Ol i amamas wantaim liklik laipstail bilong ples yet.

Sapos ol lain long taun igo toksave long ol, ol i ting em tumbuna stori nating na ol ino bilip inap taim ol yet igo na lukim.

Skul fi long taim bilong mi long 1980s em K300. Wanpela taim, namel long yia olsem Septemba, ol lain bilong mi ino inap long painim wanpela K200 long pinisim skul fi na skul i rausim mi na mi go stap 2-pela wik na bihain mi go bek long skul.

Long dispela taim, skul fi em i stap long K500 long pinisim skul bilong yu.

Nau, gret 10 skul fi em abrusim K1000. Sapos yu inap painim dispela, ok, yu bai aut long skul.

Long dispela taim tu, gret 10 setifiket tu i gat bikpela luksave. Yu ken skruim save igo moa o painim wok stret. Nau, long kain taim olsem, Gret 10 pepa em ino gat mining bilong en.

Em wanpela pepa nating. Long mekim kamap wanpela save pes insait long ples bilong wok, yu mas i gat Gret 12 o Yunivesiti pepa.

Long las wik tasol, ekting Praim Minista Sam Abal i tok olsem ol pablik sevis bai kisim sampela mani moa antap long pei bilong ol. Na planti pablik sevis i amamas long dispela long wanem, longpela taim ol i bin wet long kain luksave olsem.

Bihain long narapela dei gen, ol tisa insait long kantri i kisim narapela luksave wantaim sampela mani moa antap long fotnait pe bilong ol.

Ol i tok planti taim, ol i save komplem long kain moa mani tasol ino gat sampela luksave na long dispela yia, ol i lukim bikpela senis long pei paket bi-

long ol.

Tasol planti lain tu i tok, dispela em westim mani nating, long wanem, ol pablik sevis ino save mekim wok na laik kisim mani nating.

Ol i tok kain lain olsem ol tisa long bus ples ino save tis na raun raun nating long taun na kisim pe nating. Taim ol i kisim dispela moa mani, ol bai skruim biket bilong ol na ino go long skul bilong ol long tis.

Barnabas i tok long ples bilong mitupela long Tambul, olgeta samting i stap, tasol mekim wanem na olgeta lain i lusim kol ples na igo long narapela hap ples insait long kantri long mekim wok.

Ol gaten kaikai i save sting nating, nogat maket, ol gutpela wara bilong dring na waswas i save ron long laik bilong en, ol graun i blek nogut na isi long wokim gaten. Tasol taim i senis na ol mas muv het yet.

Long dispela taim, Barnabas i bin go long salim wanpela mani bilong mama bilong em igo long Mount Hagen.

Mitupela i sanap long lain na em i mekim ol dispela toktok.

Taim mi skelim ol dispela toktok bilong en, mi painim aut olsem em ol trupela samting long laip em i bin stori.

Neks yia, em bai wanpela bikpela yia bilong kantri. Kantri bai igo insait long namba 8 Nesenel ileksen bilong Papua Niugini na planti bilong ol dispela Membra bilong Palamen (MP) bai kisim bek sit bilong ol, wankain taim tu, planti bai lusim sit bilong ol.

Inap ol nupela lida o dispela olupela mekim sampela samting we i ken mekim kantri i fri long ol dispela hevi na pekato bilong kantri.

Long Septemba namba 16 dei long dispela yia, em bai 35 yia bilong Papua Niugini long kisim independens na sanap long tupela lek bilong em yet olsem wanpela kantri.

We stap 35 yia sevis?

Raun wantaim Kanage olgeta wik



Sak long palamen haus...

Kanage go raun long Palamen haus. Long hap em lukim wanpela pis pond we wara i wok long sut i go antap na kamdaun olsem ren. Kanage go long hap na waswas i stap. I no long taim em lukim wanpela traipela mama bilong talapia i swim i go long em na fada Kanage ting wanpela sak na em bikmaus wantaim i kamaut long pis pond. Olgeta manmeri i raun long hap i lukim Kanage singaut sak i kam na ol i dai long lap.

Mi save bihainim ol wanwok long dring raun, tasol mi laik senisim pasin. Inap laiplain i helpim mi?

Dia Laiplain

LONG potnait bilong mi, ol wantok i singautim mi long go wantaim ol long hotel. Ol i tok long mipela bai dring sampela bia na bihain bai mipela i go lukim ol video muvi piksa.

Tasol bihain long ol i dring sampela bia pinis, nogat wanpela long ol i laik go lukim muvi. Nogat. Sampela taim, ol i stap dring inap hotel i pas. Na sampela taim, ol bai go long haus bilong narapela poroman na skruim dring i go moa yet. Olsem wanem na mi ken stretim dispela wari bilong mi? Mi pret sapos mi no go dring wantaim ol, bai mi lusim ol pren bi-long mi.

Dia Pren

YUMI olgeta i laik pren wantaim ol narapela pipel. Yumi belgut sapos ol i laikim yumi. Olsem na planti taim, yumi save mekim samting yumi no laikim bikos yumi laik amamasim ol narapela lain.

Em i gutpela samting long mekim ol samting long helpim ol pren. Tasol em i no gutpela samting sapos yumi mas mekim rong o pasin i nogut bilong amamasim ol pren.

Sori tumas, i gat planti pipel tumas long PNG i bagarap long strongpela dring. Tasol sori moa yet long ol dispela



pipel i dring long amamasim ol pren.

Yu tok olsem olgeta wanwok i save go long hotel. Em i tru? Ating i gat planti olsem yu husat i no laik go tasol i nogat strong long tok nogat.

Planti taim, wanpela o tupela lida tasol i save pulim ol man na ol i go. Na i no long laik bilong ol yet, nogat. Ating sampela woklain bilong yu tu i laik go lukim muvi. Wanwan man i ting olsem olgeta man i laik go dring. I nogat man i gat strong long sanap na tok narakain. Nogat. ol pren i no laik harim dispela kain tok.

Wanpela we long abrusim dispela kain tok em hia. Yu yet i sanap toktok strong olsem wanpela lida. Long neks potnait, yu sanap na yu toktok strong olsem. "Maski long go long hotel tunait. Mi laik lukim piksa. Husat i laik kam wantaim mi." Ating bai yu lukim planti pren bilong yu bai go poromanim yu.

Tasol sapos nogat wanpela i laik go wantaim yu, maski, yu go yu yet. Maski ol i lap. Bihain long sampela de, yu ken gris wantaim ol long gutpela muvi yu bin lukim na yu bin amamasim tru. Neks taim, ating tupela o tripela i laik go wantaim yu na traim.

Na sapos yu traim traim na i nogat wanpela man i laik go poromanim yu, orait, maski. Yu tingting nau.....Tingting gut. Ating moabeta yu painim sampela pren i laik long woksop bilong yu, orait, yu go joinim sampela grup long YC o long sios o long spot klab.

Sapos yu stap insait pinis long wanpela olsem na ol wanwok i singautim yu gen long go long hotel, yu ken tokim ol olsem, "Sori pren, mi noken. Ol pren bilong mi long hap sait i wetim mi."

Mi noken promisim yu, bai yu no lus-bim sampela pren na wanwok. Tasol maski... sapos oltaim ol i pulim yu long mekim ol kain samting yu no laik mekim, moabeta yu painim sampela narapela kain pren. Gutpela pren i save helpim yu.

Mi Laiplain

Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laiplain



NEM: Ludwig Hesai
KRISMAS: 21 (man)
ADRES: Kilipau village, P.O. Box 96, Vanimo, Sandaun Provins
SAVE LAIKIM: Senisim Presen, pilai soka, harim musik na raitim pas.

NEM: Benjamin A. Wep
KRISMAS: 20 (man)
ADRES: Kilipau Village, P.O Box 96, Vanimo, Sandaun Provins
SAVE LAIKIM: Pilai soka, voli bol, senisim presen na painim wanpela meri long maritim.

NEM: Patrick Gisiye
KRISMAS: 20 (man)
ADRES: New Century Wholesale, P.O.Box 218, Kiunga Western Provins
SAVE LAIKIM: Pilai soka, mekim pren, raitim pas, go lotu na senisim presen.

NEM: Benuel Kapamai
KRISMAS: 18 (man)
ADRES: P.O. Box 2901, Lae
SAVE LAIKIM: Pilai soka, volibol, pilai gita, harim musik, ritim buk na go lotu

NEM: Bairy Wou
KRISMAS: 20 (man)
ADRES: Kilipau Village, PO Box 96, Vanimo Sandaun Provins
SAVE LAIKIM: Raitim pas, senisim presen, pilai soka, volibol na painim wanpela meri long maritim.

NEM: Benny Wagu
KRISMAS: 18 (man)
ADRES: Kilipau Village, P.O.Box 96 Vanimo Sandaun Provins
SAVE LAIKIM: Senisim presen, raitim pas, pilai soka, volibol na harim musik

NEM: Terence Mathew
KRISMAS: 16 (man)
ADRES: Ohu Primary School, PO Box 169, Madang511, Madang Provins
SAVE LAIKIM: Go skul, harim musik, go Lotu, raitim pas na mekim pren

NEM: Tenny Paul
KRISMAS: 19 (man)
ADRES: Komabea Primary school, PO Box 220, Kerema, Gulf Provins
SAVE LAIKIM: Pilai spot olsem volibol, soka na basketbol, harim musik, ritim niuspepa na wok

NEM: Jamie Awe
KRISMAS: 29 (man)
ADRES: C/Hargy Oil Palms, PO Box 21 Biialla, West New Britain Provins
SAVE LAIKIM: Lukim rugby, mekim poroman wantaim ol arapela na painim wanpela lotu meri bilong maritim

NEM: Atasing Bafike
KRISMAS: 27 (man)
ADRES: Bumbum Primary School, PO Box 4588, Morobe Provins
SAVE LAIKIM: Harim musik, pilai soka, wat-sim TV na pilai kompyuta gem



Program bilong Wanwan De

De - Mande - Fraide

6am - 10am - Sankamap show - Host: Kas. T
 6:00am - Major Nius Bulletin
 6:15am - Komuniti Notis Bod
 6:25am - Taim Bifo - wanpela singsing b'long bifo.
 6:30am - Nius Hetlains
 6:45am - Bonde grifins
 7:00am - Major Nius Bulletin - YUMIFM Nius Senta
 7:05am - YU TOK - komiuniti awenes program
 7:15am - WAN 4 DA ROAD - Hit Prediction
 - niupela singsing
 7:30am - Tok Pilai - stori b'long putim smail long nus pes.
 8:00am - Major Nius Bulletin - YUMIFM Nius Senta
 8:05am - YU TOK - komiuniti awenes program
 8:15am - "Papa Heni Fuka Show".
 9:00am - Nius Bulletin - YUMIFM Nius Senta
 9:15am - Luksave long Komiuniti (Redio Pilai) Fraidei

Tasol
 9:30am - Final aua cruz
 10am - 3pm - Morin Trek na Belo Pack
 - Host: Mummy DASH
 10:00am - Major Nius Bulletin - YUMIFM Nius Senta
 10:05am - YU TOK - komiuniti awenes program
 10:15am - Kona b'long yu.
 10:45am - YUMI PANIM WOK Segment
 11:00am - Nius - YUMIFM Nius Senta
 11:05am - YU TOK - komiuniti awenes program
 11:10am - Lukautim yu yet - Helt toktok
 11:30am - Nius Hetlains b'long Belo Taim
 - Laik b'long yu - Niupela singsing previu
 12:00pm - Major Nius Bulletin - YUMIFM Nius Senta
 12:05pm - YU TOK - komiuniti awenes program
 12:10pm - BELO Pack - Belo taim rekwas na dedikesen
 12:15pm - Komuniti Notis Bod
 12:20pm - BELO Pack - Belo taim rekwas na dedikesen
 1:00pm - Nius - YUMIFM Nius Senta
 1:05pm - YU TOK - komiuniti awenes program
 1:10pm - BELO Pack - Belo taim rekwas na dedikesen

2:00pm - Major Nius Bulletin - YUMIFM Nius
 2:05pm - YU TOK - komiuniti awenes program
 2:45pm - YUMI PANIM WOK Segment
 3pm - 7pm - Avinun Draiv Taim - Host: Vaviessie
 3:00pm - Nius - YUMIFM Nius Senta
 3:05pm - YU TOK - komiuniti awenes program
 3:10pm - Avinun cruz
 4:00pm - NIUS - YUMIFM Senta
 4:05pm - YU TOK - komiuniti awenes program
 4:10pm - FOAPELA KAM GUD LONG 4 - foapela singsing
 4:30pm - Nius Hetlains
 4:45pm - YUMI PANIM WOK Segment
 5:00pm - Major Nius Hetlains - YUMIFM Nius Senta
 5:05pm - YU TOK - komiuniti awenes program
 5:10pm - 6:00pm - KULCHA Musik (1 hr) skelim lokal musik 6pm - 7pm
 - NAIT BEAT - Host: Vaviessie
 6:00pm - MAJOR NIUS BULLETIN
 - YUMIFM NIUS Senta
 6:05pm - YU TOK - komiuniti awenes program

6:10pm - 7:00pm Mon kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT
 - Host: Angra Kennedy
 7:00pm - Nius - YUMIFM NIUS SENTA
 7:05pm - YU TOK - komiuniti awenes program
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Tuluvan Vitz/Talaigu Sopi/Bata Rat
 00:00 - Early Monin Taim Cruz (ol lain brukim tulait shift)
 - Musik / Request / Tok pilai
 - Kipim Kampani long ol nait shift.
Wikens - Sarere
 6am - 10:00am - Wiken Sanrais Host: Talaigu Sopi
 7am - 9am - Sarere Monin Cruz
 9am - 11am - Monin Treks
 11am - 1pm - National Weekly Hit Parade - Host: Kasty - 1st aua NWHP
 12:00pm NIUS - YUMIFM Nius Senta
 12pm - 1pm - 2nd aua NWHP

Sarere belo cruz - Host: Tuluvan Vitz
 1pm - 2pm - Sarere Belo Taim Dedikesen
 2:00pm NIUS - YUMIFM Nius Senta
 2pm - 6pm - Sarere Avinun Cruz
 6:00pm NIUS - YUMIFM Nius Senta
 6pm - 00:00am - Nait beat
 7pm - 9pm - Coca Cola Garamut
 9pm - 00:00am - Nait cruz
 00:00am - 6am - Brukim Tulait Show
Wiken - Sandei
 6am - 10am - Wiken Sanrais / Sandei Monin wokabout Musik
 10am - 12noon - Monin Treks
 12noon NIUS - YUMIFM Nius Senta
 12 - 2pm - Sandei Belo Taim Music
 2:00pm NIUS - YUMIFM Nius Senta
 2pm - 6pm - Sandei Avinun Draiv Music
 6pm - 8pm - Nius - YUMIFM Nius Senta
 8pm - 00:00am - GOSPEL REKwes AUA
 00:00am - 6am - Late Nait Cruz - Poroman Aua
 - Brukim Tulait Show
Program Director - YUMIFM - Kasty

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Spots
 7.30PM Nius na Karen Afecas
 8PM Helt
 8.15PM Musik
 8.30PM NIUS
 8.40PM Spots Riplei
 8.55PM Musik
 9PM Stesen Pas

TUNDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Mama Graun
 8.15PM Musik/Spots
 8.30PM NIUS
 8.40PM Helt Riplei
 8.55PM Musik
 9PM Stesen Pas

TRINDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Focus
 8.15PM Musik/Spots
 8.30PM NIUS
 8.40PM Mama Graun Riplei
 8.55PM Musik
 9PM Stesen Pas

FONDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Youth
 8.15PM Musik/Spots
 8.30PM NIUS
 8.40PM Focus Riplei
 8.55PM Musik
 9PM Stesen Pas

FRAIDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Wantok
 8.15PM Musik
 8.30PM NIUS
 8.40PM Youth Riplei
 8.55PM Musik
 9PM Stesen Pas

SARERE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Redio Plei)
 8PM Lukluk Bek Long Wik
 8.30PM Nius
 8.40PM Musik/Chit Chat
 9PM Stesen Pas

Raun wantaim Wantok kru ...

Amamasim Famli long Lamana

Nicky Bernard i raitim

DISPELA Ista, Lamana Hotel long Mosbi bai kam laiv wantaim ol kainkain samting bilong amamasim yu na famli bilong yu sapos yu stap long Mosbi siti.

Long Ista Sande 24 Epril, Lamana Hotel bai

mekim wanpela famli fan de, we ol famli ken kam na amamas. Lamana yet bai mekim olgeta wok taim ol famli sindaun isi wantaim gutpela kaikai, i gat ol samting bilong ol pikinini tu long amamas, bai stat long 2 kilok avinun na pinis long nait wantaim paia woks.

Ol bik manmeri bai

amamas long kaikai rosted bafe kaikai long Palazzo na ol pikinini bai piknik long Arena, ol bai testim candy floss na pilai wantaim pop kon masin.

Lamana Hotel tu bai givim ol famli prais sapos ol i bilas gut na kam long dispela de, dispela Ista Sande bai Lamana bai lukautim yu na famli bi-

long inap long taim paia weks i pairap.

Sapos yu laik bukim spes bilong yu, yu ken ringim Jacquie or Samantha long telpon namba 3232333. Ol bikpela manmeri en K80.00 na ol pikinini K35.



AMAMAS: Ista em taim bilong amamas! Amamasim ol famli long Lamana Hotel. *Fail foto*

93FM YUMIFM
National Weekly Hit Parade:
 Produced & Host by: **Kasty**
 Statistics: Talaigu Sopi & Poroman Crew
Week Ending: Saturday - 16th April 2011

Week Before	Last Week	This Week	Charting Song:	Artist:
1	1	1(7)	Queen of Karmas	Jnr Tasins
2	2	2(5)	Meri Morobe	Logie Crew
3	3(3)	3	Empty Promise	Snippers Band ft DJ AAR
4	4	4	Girl you	Jokema ft Ugly B & Fat G
5	5	5	Dreaming Girl	Backyards of Yangoru
6	6	6	MB Lewa	Silahakakako
7	7	7	Please Call	Original Ex Vevili Jnr
8	8	8	Virgin Flower	Bob Matawai
9	9	9	Meng	Uksobat Band
10	10	10	PS Kantri	Backyards of Yangoru ft Simon Kasap
11	6	11	Parasite Angel	Texas Allen ft Larry Ori
12	9	12	Dance with you	Iden.TT
13	10	13	Finch Medley	Iden.TT
14	12	14	Jannace	Seths Mahn ft Eljay
15	14	15	Burukim Lewa	Sud n Burst
16	15	16	Lumtoma	Silaha Kakako
17	16	17	Sim Card	Saul Langa
18	17	18	Invisibile Love	Jay West
19	18	19	All my life	DMP
20	19	20	Boi Man	Rosville
			Song In:	All my life DMP
			Song Out:	Ae Ego Doga Pasiwa Boys

EMTV Television Guide

FONDE, APRIL 14 2011

5.00AM G JOYCE MEYER Religious Program
 5.30AM G TODAY
 11.00AM AUSTRALIA NETWORK
 2.59PM STATION OPEN
KIDS KONA
 3.00PM G MAGICAL TALES
 3.30PM G HI-5
 4.00PM G THE PYRAMID
 4.30PM G THE SHAK
 5.00PM G KITCHEN WHIZ (NEW KIDS SERIES)
Kitchen Whiz is a fast and fabulous kids game show with a focus on the world of food, cooking and food science. Over four rounds, contestants aged 12-14 years old answer questions and compete in fun, messy tasks, earning points and taking home prizes.
 5.29PM G EMTV NEWS UPDATE
 5.30PM G MILLIONAIRE HOT SEAT
 6:00PM G NATIONAL EMTV NEWS

6.30PM G A CURRENT AFFAIR
 7.00PM G SPORTS SCENE (2011 Return)
 7.30PM PG RAIT MUSIK
 7.27PM G EMTV TOK SAVE
 7.30PM G BORDER DEVELOPMENT AUTHORITY DOCUMENTARY (repeat)
 8.00PM G RAIT MUSIK (special time)
 9.00PM PG ELITE MUSIC ZONE (special time)
 9.30PM M FOOTY SHOW
 10.30PM G NEWS REPLAY
 11.00PM AUSTRALIA NETWORK

FRAIDE, APRIL 15 2011

5.00AM G JOYCE MEYER Religious Program
 5.30AM G TODAY
 11.00AM AUSTRALIA NETWORK
 2.59PM STATION OPEN
KIDS KONA
 3.00PM G MAGICAL TALES

3.30PM G HI-5
 4.57PM EMTV TOK SAVE
 5.00PM G KITCHEN WHIZ (NEW KIDS SERIES)
 5.29PM G EMTV NEWS UPDATE
 5.30PM G MILLIONAIRE HOT SEAT
 5.55PM G CRIME STOPPERS
 6:00PM G NATIONAL EMTV NEWS
 4.30PM G THE SHAK
 4.57PM EMTV TOK SAVE
 5.00PM G HOT SOURCE
 5.29PM G EMTV NEWS UPDATE
 5.30PM G MILLIONAIRE HOT SEAT
 5.55PM G CRIME STOPPERS
 6:00PM G NATIONAL EMTV NEWS
 6.30PM G A CURRENT AFFAIR
 7.00PM G IN MORESBY TONIGHT
 7.27PM EMTV TOK SAVE
 7.30PM G FRIDAY NIGHT FOOTBALL: Parramatta Eels v Canterbury Bulldogs, ANZ Stadium.
 9.30PM G FRIDAY NIGHT LATE

FOOTBALL: Gold Coast Titans v Wests Tigers, Skilled Park, Robina.
 10.40PM G EMTV NEWS REPLAY
 12.20PM AUSTRALIA NETWORK

SARERE, APRIL 16 2010

5.00AM.....AUSTRALIA NETWORK.....
 11.39AM STATION OPEN
 11.40AM G SUPER RUGBY Chiefs v Crusaders, from Tuaranga
 4.00PM G SUPER RUGBY Rebels v Highlanders, from Melbourne
 6.30PM PG WILLIAM & KATE: A ROYAL ENGAGEMENT
 Channel 9's Allison Langdon reports from London where she talks to the insiders and the experts, and gets the inside story of how love blossomed for the couple, and an exclusive insight into the wedding the world has been waiting for.
 7.40PM G SUPER RUGBY (LIVE) Reds vs. Bulls, from Brisbane
 9.40PM PG AUSTRALIA'S FUNNIEST HOME VIDEO SHOW

(SPECIAL TIME) Get ready for one-hour of side splitting laughs, thrills, spills and weird and wacky action - presented by Shelley Craft.
 21st BIRTHDAY 2-HOUR SPECIAL
 11.00PM PG ELITE MUSIC ZONE
 11.30PM G NATIONAL EMTV NEWS REPLAY

SANDE, APRIL 17 2011

12.00AM AUSTRALIAN NETWORK
 6.29AM STATION OPEN
 6.30AM G IT IS WRITTEN
 7.00AM G HILLSONG
 7.30AM G SUPER LEAGUE Lions v Sharks, from Johannesburg.
 1.00PM G WWORLD OF SPORTS
 2.00PM PG SUNDAY FOOTY SHOW
 3.00PM PG SUNDAY ROAST
 4.00PM G SUNDAY FOOTBALL Round 6 - PANTHERS v STORM
 6.00PM G NATIONAL EMTV NEWS
 6.30PM G LOVE PATROL
 7.18PM PG PARTING WAYS:

TORO



BIABIA



KANAGE



TOKWIN

Noken eli kempain

Planti kain kain ol lain i wok long givim mani long sponsa long ol spots grup, sios, yut na ol arapela wok insait long Mosbi siti na tu long arapela hap long kantri. Dispela ol lain i statim eli kempain pinis bilong 2012 Nesenel Ileksin.

Ol lain ya i brukim lo o nogat?

Pablik sevans slip long setelmen Kos bilong rent long haus long Mosbi em antap tru na planti ol

pablik sevans i wok long slip kirap long ol setelmen insait long siti na go kam long wok. Moabeta gavman mas luksave long dispela na wokim ol haus o hostel na ol lain pablik sevans i ken stap long en na peim liklik rent tasol.

Polis stap we long Goroka

Pasin bilong dring na spak long pablik ples long Goroka taun i go bikpela tru. Sampela ol lain polis man tu i mekim dispela pasin. Husat tru bai stopim dispela pasin? Moabeta polis mas salim

ol nupela lain polisman i go wok long Goroka.

Kaikai maket prais long Mosbi antap tru

Tru tumas, sapos yu man o meri bilong arapela senta long Hailans na Momase i raun i go long Mosbi bai yu guria stret olsem prais bilong ol gaden kaikai ol manmeri salim long maket i antap tru olsem prais bilong stua stret. Mosbi em dia tumas ya.

Tokwin Tasol...

D	O	K	T	A	H	I	M	S	E	K	U	S	A	U	I	M
J	O	L	I	P	R	T	U	I	B	N	R	S	I	N	A	B
S	D	D	R	I	P	I	M	G	N	D	T	R	M	L	E	R
A	R	E	T	U	I	O	L	E	G	H	F	R	A	D	S	S
N	E	R	T	B	N	M	S	C	F	T	U	R	R	J	O	K
I	E	E	K	S	R	E	I	S	T	R	I	K	A	D	O	E
D	F	E	R	M	R	I	G	H	T	A	R	S	S	Y	A	L
E	C	R	I	E	C	K	Y	R	E	B	E	P	I	Y	O	P
L	A	R	P	O	L	A	S	C	E	L	E	B	N	U	T	T
B	R	O	M	I	L	E	R	S	P	O	T	C	H	Y	I	T
A	U	T	P	E	S	E	N	T	R	U	A	B	A	I	T	E
O	L	S	E	R	N	A	G	O	L	O	D	R	A	U	S	E
T	C	R	I	P	P	M	L	E	R	F	D	S	H	K	O	K
I	S	M	A	M	A	K	A	R	I	M	D	O	W	E	R	I
E	O	P	I	M	C	F	S	T	R	U	T	N	B	E	I	S
T	A	S	K	O	I	L	V	B	R	E	T	E	N	S	A	R
A	P	L	S	U	T	A	E	B	L	U	T	S	O	D	O	W

PAINIM OL DISPELA TOKTOK BILONG HAUS SIK:

DOKTA	NES	SIK BET	MALARIA	KUS
MARASIN	NIDEL	TIETA	SUT	BLUT
OPERESAN	DRIP	HELTBUK	WOD	MAMA KARIM
AUTPESEN	SKEL	GLAS	EKSREI	BANIS

5			3			9	2	4
			5	9				
	1	7						5
8		6	9	2			7	
			8		4			
	9			6	1	8		3
6						7	1	
			8	2				
2	4	1			5			8

8	3	4	2	6	7	9	5	1
1	6	7	5	9	8	4	2	3
5	9	2	1	4	3	7	8	6
6	1	8	3	7	2	5	9	4
7	5	3	9	8	4	6	1	2
2	4	9	6	1	5	3	7	8
4	2	6	7	5	1	8	3	9
3	8	5	4	2	9	1	6	7
9	7	1	8	3	6	2	4	5

Ansa bilong las wik Sudoku

Ansa bilong las wik Pasol

S	R	K	I	K	O	P	S	Y	O	B	W	O	C			
T		A			H	A	F	T	A	I	M					
O			I				S									
R				D			H									
M						E	A	S	R	E	T	S	O	O	R	
						S	R	E	B	I	T	T	S	E	W	
S	T	H	G	I	N	K	S									
S	F		S				E				F					
S	E	A					E		S	U						
R	A	I			S	L		R	L	S						
O		E	N	N		S		E	T	E						
I		A	O			O		H	A	O						
R		B	L			C	T	I	D							
R		A	L			N	M	L								
A		R			E		A	O	L							
W		D			S		P	R	U							
					R	A	B	B	I	T	O	H	S			

EMTV Television Guide

7.30PM G <i>The Beatles</i> 60 MINUTES	9.20AM G DEPARTMENT OF EDUCATION CLASSROOM BROADCAST	11.30PM AUSTRALIA NETWORK	9.00PM G SUPER LEAGUE: <i>St. Helen v Wakefield Wildcats</i>	<i>the homefront pre and post war. We explore what ANZAC represents to the people today and yesterday, how the Nations prepared and faced war.</i>
8.30PM M SUNDAY MOVIE: BLADES OF GLORY (2007) Comedy/Sport - Kick Some Ice! In 2002, two rival Olympic, ice skaters were stripped of their gold medals and permanently banned from men's single competition. However, they've found a loophole that will allow them to qualify as pairs team. Stars: Will Ferrell, John Heder.	2.59PM STATION OPEN	TUNDE, APRIL 19 2011	10.30PM G EMTV NEWS REPLAY	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
10.30PM G HILLSONG	3.00PM G MAGICAL TALES	5.00AM G JOYCE MEYER Religious program	11.30PM AUSTRALIA NETWORK	7.57PM EMTV TOK SAVE
11.00PM G NATIONAL EMTV NEWS REPLAY	3.30PM G HI-5	5.30AM G TODAY	TRINDE, APRIL 20 2011	8.00PM PG THE FARMER WANTS A WIFE
11.30PM AUSTRALIA NETWORK	4.00PM G THE PYRAMID	9.00AM EMTV PRIME TIME LINEUP	5.00AM G JOYCE MEYER Religious Program	9.00PM M WEDNESDAY NIGHT MOVIE: AROUND THE WORLD IN 80 DAYS - 2004) Family/Action/Adventure -
MANDE, APRIL 18 2011	4.30PM G THE SHAK	9.20AM G DEPARTMENT OF EDUCATION CLASSROOM BROADCAST	5.30AM G TODAY	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
5.00AM G JOYCE MEYER Religious Program	5.00PM G KITCHEN WHIZ (NEW)	KIDS KONA	9.00AM EMTV PRIME TIME LINE UP	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
5.30AM G TODAY	5.29PM G EMTV NEWS UPDATE	3.00PM G MAGICAL TALES	9.20AM G DEPARTMENT OF EDUCATION CLASSROOM BROADCAST	7.57PM EMTV TOK SAVE
	5.30PM G MILLIONAIRE	3.30PM G HI-5	TRINDE, APRIL 20 2011	8.00PM PG THE FARMER WANTS A WIFE
	6.00PM G NATIONAL EMTV NEWS	4.00PM G THE PYRAMID	5.00AM G JOYCE MEYER Religious Program	9.00PM M WEDNESDAY NIGHT MOVIE: AROUND THE WORLD IN 80 DAYS - 2004) Family/Action/Adventure -
	7.00PM G TOK PIKSA	4.30PM G THE SHAK	5.30AM G TODAY	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
	7.27PM EMTV TOK SAVE	5.29PM G EMTV NEWS UPDATE	9.00AM EMTV PRIME TIME LINE UP	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
	7.30PM G MONDAY NIGHT FOOTBALL: <i>Rabbitohs vs. Dragons, from ANZ Stadium</i>	5.30PM G MILLIONAIRE	9.20AM G DEPARTMENT OF EDUCATION CLASSROOM BROADCAST	7.57PM EMTV TOK SAVE
	9.30PM G VOU	6.00PM G NATIONAL EMTV NEWS	TRINDE, APRIL 20 2011	8.00PM PG THE FARMER WANTS A WIFE
	10.00PM G A CURRENT AFFAIR	6.30PM G A CURRENT AFFAIR	5.00AM G JOYCE MEYER Religious Program	9.00PM M WEDNESDAY NIGHT MOVIE: AROUND THE WORLD IN 80 DAYS - 2004) Family/Action/Adventure -
	11.00PM G NATIONAL EMTV NEWS REPLAY	7.00PM G HAUS & HOME	5.30AM G TODAY	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
		7.57PM EMTV TOK SAVE	9.00AM EMTV PRIME TIME LINE UP	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
		8.00PM PG MILLION DOLLAR DROP	9.20AM G DEPARTMENT OF EDUCATION CLASSROOM BROADCAST	7.57PM EMTV TOK SAVE
			TRINDE, APRIL 20 2011	8.00PM PG THE FARMER WANTS A WIFE
			5.00AM G JOYCE MEYER Religious Program	9.00PM M WEDNESDAY NIGHT MOVIE: AROUND THE WORLD IN 80 DAYS - 2004) Family/Action/Adventure -
			5.30AM G TODAY	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
			9.00AM EMTV PRIME TIME LINE UP	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
			9.20AM G DEPARTMENT OF EDUCATION CLASSROOM BROADCAST	7.57PM EMTV TOK SAVE
			TRINDE, APRIL 20 2011	8.00PM PG THE FARMER WANTS A WIFE
			5.00AM G JOYCE MEYER Religious Program	9.00PM M WEDNESDAY NIGHT MOVIE: AROUND THE WORLD IN 80 DAYS - 2004) Family/Action/Adventure -
			5.30AM G TODAY	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
			9.00AM EMTV PRIME TIME LINE UP	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
			9.20AM G DEPARTMENT OF EDUCATION CLASSROOM BROADCAST	7.57PM EMTV TOK SAVE
			TRINDE, APRIL 20 2011	8.00PM PG THE FARMER WANTS A WIFE
			5.00AM G JOYCE MEYER Religious Program	9.00PM M WEDNESDAY NIGHT MOVIE: AROUND THE WORLD IN 80 DAYS - 2004) Family/Action/Adventure -
			5.30AM G TODAY	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
			9.00AM EMTV PRIME TIME LINE UP	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
			9.20AM G DEPARTMENT OF EDUCATION CLASSROOM BROADCAST	7.57PM EMTV TOK SAVE
			TRINDE, APRIL 20 2011	8.00PM PG THE FARMER WANTS A WIFE
			5.00AM G JOYCE MEYER Religious Program	9.00PM M WEDNESDAY NIGHT MOVIE: AROUND THE WORLD IN 80 DAYS - 2004) Family/Action/Adventure -
			5.30AM G TODAY	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
			9.00AM EMTV PRIME TIME LINE UP	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
			9.20AM G DEPARTMENT OF EDUCATION CLASSROOM BROADCAST	7.57PM EMTV TOK SAVE
			TRINDE, APRIL 20 2011	8.00PM PG THE FARMER WANTS A WIFE
			5.00AM G JOYCE MEYER Religious Program	9.00PM M WEDNESDAY NIGHT MOVIE: AROUND THE WORLD IN 80 DAYS - 2004) Family/Action/Adventure -
			5.30AM G TODAY	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
			9.00AM EMTV PRIME TIME LINE UP	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
			9.20AM G DEPARTMENT OF EDUCATION CLASSROOM BROADCAST	7.57PM EMTV TOK SAVE
			TRINDE, APRIL 20 2011	8.00PM PG THE FARMER WANTS A WIFE
			5.00AM G JOYCE MEYER Religious Program	9.00PM M WEDNESDAY NIGHT MOVIE: AROUND THE WORLD IN 80 DAYS - 2004) Family/Action/Adventure -
			5.30AM G TODAY	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
			9.00AM EMTV PRIME TIME LINE UP	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
			9.20AM G DEPARTMENT OF EDUCATION CLASSROOM BROADCAST	7.57PM EMTV TOK SAVE
			TRINDE, APRIL 20 2011	8.00PM PG THE FARMER WANTS A WIFE
			5.00AM G JOYCE MEYER Religious Program	9.00PM M WEDNESDAY NIGHT MOVIE: AROUND THE WORLD IN 80 DAYS - 2004) Family/Action/Adventure -
			5.30AM G TODAY	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
			9.00AM EMTV PRIME TIME LINE UP	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
			9.20AM G DEPARTMENT OF EDUCATION CLASSROOM BROADCAST	7.57PM EMTV TOK SAVE
			TRINDE, APRIL 20 2011	8.00PM PG THE FARMER WANTS A WIFE
			5.00AM G JOYCE MEYER Religious Program	9.00PM M WEDNESDAY NIGHT MOVIE: AROUND THE WORLD IN 80 DAYS - 2004) Family/Action/Adventure -
			5.30AM G TODAY	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
			9.00AM EMTV PRIME TIME LINE UP	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
			9.20AM G DEPARTMENT OF EDUCATION CLASSROOM BROADCAST	7.57PM EMTV TOK SAVE
			TRINDE, APRIL 20 2011	8.00PM PG THE FARMER WANTS A WIFE
			5.00AM G JOYCE MEYER Religious Program	9.00PM M WEDNESDAY NIGHT MOVIE: AROUND THE WORLD IN 80 DAYS - 2004) Family/Action/Adventure -
			5.30AM G TODAY	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
			9.00AM EMTV PRIME TIME LINE UP	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
			9.20AM G DEPARTMENT OF EDUCATION CLASSROOM BROADCAST	7.57PM EMTV TOK SAVE
			TRINDE, APRIL 20 2011	8.00PM PG THE FARMER WANTS A WIFE
			5.00AM G JOYCE MEYER Religious Program	9.00PM M WEDNESDAY NIGHT MOVIE: AROUND THE WORLD IN 80 DAYS - 2004) Family/Action/Adventure -
			5.30AM G TODAY	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
			9.00AM EMTV PRIME TIME LINE UP	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
			9.20AM G DEPARTMENT OF EDUCATION CLASSROOM BROADCAST	7.57PM EMTV TOK SAVE
			TRINDE, APRIL 20 2011	8.00PM PG THE FARMER WANTS A WIFE
			5.00AM G JOYCE MEYER Religious Program	9.00PM M WEDNESDAY NIGHT MOVIE: AROUND THE WORLD IN 80 DAYS - 2004) Family/Action/Adventure -
			5.30AM G TODAY	<i>A bet pits a British inventor, a Chinese thief, and a French artist on a worldwide adventure that they can circle the world in 80 days. Stars: Jackie Chan, Steve Coogan, Robert Fyfe.</i>
		</		

Marengo no inap pinisim laik bilong olgeta manmeri

Paul Zuvani i raitim

MARENGO Maining kampani i traim long stretim sampela hevi bilong ol manmeri long projek sait, tasol i no inap long pinisim olgeta.

We em inap long mekim, em bai mekim na we i stap long han bilong ol papagraun i larim long ol papagraun.

Peter Dendle, Projek Menesa long Yandera Kopa/Molibdenum projek long Madang i mekim dispela tok taim Wantok Niuspepa i mekim askim i go long kampani long wanem as krosipait i kamap long kamap bilong Len Ona Asosiesen.

Mista Dendle i tok bel

hevi i kamap bikos ol man olsem Abraham Kuaka na Bonn Patane bilong Imbrum Wara long Gegeru traib i no laik go wantaim Momonga klen long kamapim LOA.

Ol i laik bruk na kamapim sab klen, kisim luksave na bihain makim mausman insait long LOA.

Long dispela as ol i toktok planti long kamap bilong

asosiesen.

Kuaka i stap long Mosbi na Patane i stap long Mt. Hagen.

Dendle i tok kampani i bin askim olgeta man husat i stap long ples na husat i stap long taun long kamap, bung na tok orait long kamap bilong asosiesen.

Kamap bilong asosiesen i bihainim tasol kamap bilong dispela bung.

Kuaka na Patane i no bin kamap.

Brata na famili bilong ol i save wanem samting i stap long taim bilong kamap bilong asosiesen.

Sapos tupela i laik save tupela i mas go long ples na toktok wantaim famili bilong tupela bipo long tupela i sutim tok.

I no gutpela tupela man i gat bel hevi long kampani long em i no bungim gut ol klen bipo long kamap bilong asosiesen.

Dendle i tok husat man olsem Kuaka na Patane, i no stap long ples bai hat long bungim ol.

Long wanpela pas Mista Kuaka i rait na tok Marengo kampani i bihainim wankain pasin Ramu Nikel kampani i mekim long ol.

Em i tok bipo long Ramu Nikel i kamap, gavman i tok, sindaun bilong ol manmeri bai senis taim Ramu Nikel i kamap tasol dispela i no kamap.

"I nogat sampela kain wok bung o spin ov bisnis we ol papagraun bai mekim long strongim laip bilong ol gut.

"Ol i no wok bung gut wantaim ol as ples manmeri na i nogat samting ol manmeri bai mekim long kisim liklik toea.

"Sapos ol i gat em ol liklik wok ol i mekim long main sait," Mista Kuaka i tok.



RIPOT EM HIA: Minista bilong Fores na MP bilong Nawaeb, Timothy Bonga (raitin) na Mista Aimo (name) i givim ol mani-ripot bilong distrik bilong ol long Dairekta bilong ORD, Paul Sai'i. Poto: JAMES KILA

Bonga na Aimo givim 2010 distrik mani-ripot long ORD

James Kila i raitim

MEMBA bilong Nawaeb na Forestri Minista, Timothy Bonga wantaim wan-

wok bilong em Tony Aimo, husat em memba bilong Ambunti-Dreikikir na Minista bilong Koreksinal Sevises (CS) long las wik Fonde i bin givim ol distrik mani-ripot o akwital bilong ol bilong 2010 i go long Ofis bilong Rural Developmen (ORD).

Ol dispela 2010 mani-ripot em distrik bilong ol i kisim na yusim aninit long Distrik Sevises Impruvmen Program (DSIP).

Mista Bonga i tokaut olsem em i amamas long givim mani-ripot bilong distrik bilong em i go long Dairekta bilong ORD, Paul Sai'i, na em i redi long mekim rolaut long ol nupela projek long distrik bilong em taim tok orait i kam long ORD.

Tupela minista wantaim i tok amamas long ol distrik edministreta bilong ol wantaim distrik tresera na ol menesa long redim ol dispela akwital o mani ripot bilong distrik.

Mista Bonga i tokaut olsem insait long mani ripot bilong Nawaeb bikpela luksave i go long sait bilong wokim rot na bris (infrastraksa), edukesen, helt, agrikalsa na lo na oda.

Em i tok olsem dispela program i givim gutpela helpim long ol rurel pipel long distrik bilong em long sait bilong ol lokal fama i ken go long maket na salim fres kaikai bilong ol long maket na rot olsem gutpela helpim.

Nawaeb pipel insait long Morobe em ol lain bilong bringim planti kaikai long saplaim long Lae siti, na dispela helpim long stretim gut rot bai i ken

helpim ol gut.

Mista Sai'i i tok olsem tupela MP, Minista Bonga na Minista Aimo i bihainim lo long redim ripot bilong ol long givim i go long ORD.

Mista Sai'i i tok amamas tu long Mista Bonga long lukluk moa long putim ol komyuniti lain long wok bung insait long Join Distrik Plening na Baset Praioriti Komiti (JDPBPC) insait long distrik olsem ol lain i makim sios, meri, yut na kaunsil long Nawaeb.

Em i tok dispela ripot tupela lida i givim em wanpela komiti bilong ORD bai i sindaun na glasim na givim ripot.

Minista Aimo long taim em i givim ripot bilong em i tok olsem ol pipel i mas noken tingting krangki olsem ol memba (MP) i save kisim K10 milien olgeta yia long mekim wok insait long distrik.

Em i tok ol MP i no save kisim K10 milien olgeta yia. Ol i save kisim hamas long mak em gavman i putim long ol na i no K10 milien long olgeta yia.

Mista Aimo i tok dispela tingting olsem ol MP i save kisim K10 milien olgeta yia em i no tru. Dispela em rong tingting ol pipel i gat na planti taim ol pipel save laik hamarim ol memba nating.

Em i tokaut tu olsem wanpela sek mani veliu bilong en em K2 milien bilong wanpela kakau projek long distrik em wanpela man i kisim long dua bilong Waigani ofis long Mosbi.

Lokal fama mas redim moa pres kaikai na frut

...ol bikpela projek long Madang bai baim

James Kila i raitim

OL LOKAL fama insait long Madang provins nau i gat bikpela salens tru long groim ol pres kumu na frut na redim long ol bikpela projek em bai kamap long provins bilong ol.

Dispela em wanpela bikpela salens ol fama bilong Raikos i bin kisim taim ol i bringim ol pres kumu na prut i go salim long mes bilong NCS Raibus long Basamuk.

Salens i go long ol long groim planti ol kumu olsem kapis, sayor, tomato, popo,

painapel, mau banana na ol arapela pres prut bikos ol mes i save lukautim planti lain na i save givim kaikai long ol wok manmeri long moning, belo na apinun na saplai ol lokal manmeri i bringim i go long mes i mas wankain olgeta taim.

Madang provins bai lukim planti ol bikpela maining projek olsem Marengo Maining projek, Ramu Nikel projek na PMIZ developmen i kamap long Vidar. Olsem na ol manmeri i mas redim ol yet gut long nau.

Dispela ol developmen long

Madang em bai bringim mani long ol lokal pipel bikos ol pipel bai i go salim ol gaden kaikai bilong ol long mes o ples kaikai bilong ol wok manmeri.

Wanpela lokal fama, Kanai Imai, bilong ples Gogou em wanpela papa bilong PO (purchase Order) o pepa we i givim em tok orait long bringim pres gaden kaikai na frut i go long mes o ples bilong kukim na redim bilong Ramu NiCo rifaideri eria long Basamuk.

Wantok Niuspepa i bin bungim Kanai wantaim ol pikinini bilong em long Mendre

nambis i no long taim i go pinis taim em i ron long wanpela moto bot i go long bringim ol pres gaden kaikai, kumu na frut long Basamuk.

Kanai i givim gutpela stori bilong em long mi olsem em i amamas long Ramu NiCo projek long kamapim wok we i larim ol lokal papagraun long bringim ol gaden kaikai i go long mes o ples kaikai bilong ol kampani wokman meri long Basamuk.

Mes ya i save givim kaikai long ol wokman meri bilong Ramu NiCo (MCC) na ol kontrakta long Basamuk.

Em i tok kain sevises olsem i no kamap bipo, tasol bihain long Ramu Nico (MCC) i kirapim wok projek long Basamuk em i givim gutpela sans long ol lokal famas long bringim gaden kaikai i go salim na kisim mani long helpim sindaun bilong ol long ples.

Em i tok olsem nogat rot i go long ples bilong ol long Lamtub. Ol i save yusim moto bot long karim ol fres gaden kaikai i go long nambis long Mendre na bihain kisim kar na karim i go long mes.

Kanai i tok olsem long pas-taim taim ol lain bilong China i lukautim wok bilong baim kaikai bilong mes, reit o mak bilong mani ol i save givim ol lokal famas i bin gutpela .

Em i tok ol i save ron olsem 8-pela kilomita long ples bilong ol long Lamtub i go long Basamuk long salim ol kaikai bilong ol long NCS-Raibus, wanpela ketering kampani we i save redim ol kaikai bilong ol wokman meri bilong Ramu Nico long Basamuk.



GUTPELA KUMU: Kanai Imai long raitin wantaim ol pikinini i skelim ol fres tomato em ol i salim long NCS Raibus long Basamuk mes. Poto: JAMES KILA

NAMEL: Wanpela pilaia bilong PNG Sustainable Development i painim rot namel long ol Honets pilaia long Corporate tas gem bilong ol las wik Sande long Mosbi. *POTO: Andrew Molen.*



KISIM: Wanpela Magani pilai lukluk long ples bilong ron agensim Paga Panthers, bihain long em i kisim bal long kik of bilong ragbi lig resis bilong ol meri long Mosbi las wik Sarere. *POTO: Andrew Molen.*



TRENING: Profesenol boksing bai stat gen klostu nau na Thomas "Spiderman" Kagili, trening strong long go insait long resis gen. *POTO: Andrew Molen.*

RON: Deslyn Siniu bilong Uni Inter FC i putim ai long bal long gren fain-ol gem bilong ol long NSL bilong ol meri long Epril 2, long Mosbi agen-sim Bara. *POTO: Andrew Molen.*



Stail bilong tromoi han na lek



LONG boksing (boxing), ol i save yusim han tasol long pait o pilai tasol i gat narapela spot we i wankain tasol ol i save yusim lek tu.

Dispela spot na tu stail bilong pait em kikkoksing (kickboxing).

Long kikkoksing, olgeta stail bilong ol long tromoi han em i wankain olsem bilong boksing.

Tasol long kikkoksing yu i ken tromoi lek tu long kikim birua bilong yu.

Wanwan kik i gat nem na stail bilong en na tu i gat rot bilong pasim o abrusim dispela ol kik.

Insait long kikkoksing pait, wampela paitman bai tromoi han na lek i kam wantaim long yu na sapos yu i no pasim o abrusim gut em bai yu kisim taim stret na em bai kisim moa poin.

Dispela ol kik nah an i gat poin bilong ol wanwan we i bihainim ol loa na stail bilong pait.

Histri bilong kikkoksing

Kikkoksing i stat long Siapan (Japan) long stat bilong 1960's.

Man i statim dispela spot em boksing promoti bilong Siapan, Osamu Noguchi.

Dispela spot i bungim ol stail bilong muai tai (Muay Thai), Karate na boksing insait long en.

Kikkoksing i go bikipela long Siapan na ol i save pilaim olgeta hap long kantri.

Ol man olsem Tatsuo Yamada i givim bikipela helpim long lukim em i kamap bikipela na i ron strong.

Kikkoksing i stat long Amerika long 1970's wantaim Count Dante, Ray Scarica na Maung Gyi husat ol i go pas long kamapim.

Long 1970 i go long 1973, sampela ol tonamen i kamap long hap long statim profesenol level bilong dispela spot insait long Amerika.

Ol loa bilong pilaim dispela gem i no bin kamap ples klia yet long dispela taim tasol ol tonamen i kamap gut.

Em i no bin kamap gut tumas taim em i kamap nupela tasol bihain em i pulim planti moa laik i kam long ol manmeri.

Planti moa kompetisen na tonamen i kamap na planti moa paitman i go long lainim dispela spot tu.

Taim dispela ol samting i kamap yet, ol i ogenaisa i bung tu na kamapim ol loa bilong pilaim dispela spot we bai helpim long ronim gut dispela gem.

Taim Wol Kikkoksing Asosiesen (World Kickboxing Association) o WKA i kamap, strong bilong dispela spot i go bikipela na strongpela moa.

Planti ol trening skul na institut i kamap i kamap long trenim na skulim ol manmeri long dispela spot.

Nau kikkoksing em i wampela bikipela spot long wol olsem boksing.

Olsem boksing, kikkoksing tu i gat amata na profesenol level wantaim na



NAMBAWAN: Nandex em namba wan kikkoksing wol sempion bilong PNG.



PAIT: Kikkoksing em bikipela profesenol spot olsem boksing long ol arapela bikipela kantri long wol.



TRENING: i gat planti ol kikkoksing skul i stap we husat i laik, i ken go long lainim ol stail na loa bilong pilai kikkoksing.

stail na ol loa bilong pilai em i wankain, we ol amata i no inap pait wantaim ol profesenol.

Tasol kikkoksing em i no Olimpik spot olsem boksing yet tasol ol toktok i wok long kamap olsem ol i laik kisim i go insait long dispela bikipela gem.

Kikkoksing long PNG

Kikkoksing i kam long PNG namel long 1990's we sampela ol biknem masol ats man olsem Jamuga Stone i

bin go pas long promotim.

Tasol em i no bin kisim bikipela luksave tumas inap long bipo taekwondo na kakafuse masol ats man bilong PNG, Stanley Nandex i kamap namba wan man long makim PNG long kikkoksing.

Gutpela pait bilong Nandex na luksave em i winim olgeta hap long wol i mekim planti moa manmeri long PNG i laik bihainim em i go insait long dispela nupela spot.

Nandex i winim moa luksave na bikipela sapot bilong gavman na ol manmeri bilong PNG tut aim em i winim amata wol sempion taitol long 2001.

Bihain long dispela em i lusim amata na i go profesenol we em i go moa yet long winim wol taitol tripela taim.

Dispela i mekim kikkoksing i kamap wampela spot long PNG we i gat planti respek long nem bilong en.

PNG Kickboxing Association (PNGKBA) i save lukautim ron bilong gem long PNG na i ol kickboxing skul bilong Nandex i stap olgeta hap long kantri husat ol i rejista aninit long PNGKBA.

Ol loa na stail bilong pilai

Stail bilong kikkoksing em i klostu wantaim olsem Muay Thai tasol long Muay Thai, ol i save pait long skru bilong han na lek tu.

Long kikkoksing, em i tambu long yusim skru bilong lek nah an bilong yu.

Yu ken pait long han na kik long lek tasol.

Poin bilong han em i wankain olsem bilong boksing na poin bilong lek i save go long ol gutpela kik i go long lek, bodi o het bilong birua bilong yu.

I tambu tu long holim pasim birua bilong yu na paitim em o apim na tromoi em i go daun long graun.

Yu noken paitim em taim em i pundaun pinis long graun, taim em i givim baksait long yu o taim refri stopim pait pinis.

I tambu long traim na brukim ol skru bilong em, pulim gras o kaikaim em wantaim maus bilong yu.

Olgeta paitman i save putim boksing han glav na tu karamap bilong lek na het.

Long ol profesenol pait, ol i no save putim karamap bilong lek na het, ol i save putim han glav tasol.

Longpela bilong wanwan pait i save ron inap tripela minit insait long wampela raun (3x3) long ol tonamen na long ol bikipela pait em 3x5.

Sampela ol amata pait i save ron 2x3 na 2x5.

Kikkoksing long PNG nau i no mekim planti nois tumas bihain long Nandex i pinis pilai long 2008 bihain long em i winim wol taitol laspela taim long PNG.

Nau planti ol yangpela paitman i wetim sans bilong ol tu long kisim gutpela luksave long kikkoksing tu olsem Nandex i mekim bipo.

Tasol kikkoksing long PNG i kern ron gut olsem long ol arapela kantri sapos i gat gutpela edministresen na ol save manmeri bilong mekim kain wok i stap long ronim gut gem.

Mani na ol gutpela trening ples bilong skulim ol manmeri long dispela spot na tu bilong kamapim na ronim ol tonamen em i wampela samting we i mas i stap long lukim gem i kamap strong yet.

Tasol kikkoksing em i no bilong pait tasol, em i wampela spot we i gutpela tu bilong ol manmeri husat i laik kisim sampela kain trening long stap helti na strong na tu lainim sampela save long lukautim ol yet taim ol i bungim birua sampela taim long laip bilong ol.

2011 Telstra Premiership DRO

RAUN 6 DRO
EPRIL 15 - 18, 2011

Fraide, Epril 15

Cowboys V^s Raiders
 Dairy Farmers

Eels V^s Bulldogs
 ANZ Stadium

Sarare, Epril 16

Knights V^s Sharks
 Energy Australia

Panthers V^s Storm
 Penrith Stadium

Rabbitohs V^s Dragons
 ANZ Stadium

Sande, Epril 17

Roosters Vs Broncos
 2pm - Bluetongue

Eagles Vs Warriors
 WIN Jubilee

Mande, Epril 18

Titans Vs Tigers
 Suncorp Stadium

NRL Poin leda bihain long Raun 5

Pos	Klap	W	L	D	B	PD	Pts
1	Storm	4	1	0	0	64	8
2	Broncos	4	1	0	0	39	8
3	Dragons	4	1	0	0	37	8
4	Cowboys	3	2	0	0	26	6
5	Sea Eagles	3	2	0	0	17	6
6	Tigers	3	2	0	0	14	6
7	Bulldogs	3	2	0	0	-10	6
8	Knights	2	3	0	0	19	4
9	Roosters	2	3	0	0	2	4
10	Sharks	2	3	0	0	-4	4
11	Warriors	2	3	0	0	-7	4
12	Rabbitohs	2	3	0	0	-28	4
13	Panthers	2	3	0	0	-34	4
14	Eels	2	3	0	0	-58	4
15	Raiders	1	4	0	0	-25	2
16	Titans	1	4	0	0	-52	2

Bennett bai go long Knights



NUPELA KLAP: Bennett bai go long Newcastle long 2012 na stap 4-pela yia long hap.

PLANTI toktok long wanem hap biknem kosa, Wayne Bennett bai go long en long 2012, i pinis long Tunde dispela wik taim em i tokaut olsem em bai go long Newcastle Knights.

Bennett i sainim wanpela kontrak long stap 4-pela yia wantaim ol Knights, stat long 2012 sisen.

South Sydney Rabbitohs i bin laik baim em long bikpela mani long go long ol na bipo klap bilong em, Brisbane Broncos tu i laik kisim em i go bek tasol Bennett i no tok orait long ol.

Bennett, 61 krismas, i winim 6-pela primiasip taitol wantaim Broncos na wanpela wantaim St George Illawarra Dragons husat em i stap wantaim ol nau.

Em i tok em i amamas long tingting bilong na bilip bilong nupela papa bilong Knights, bisnisman, Nathan Tinkler.

Bennett i tok tu olsem em i laikim sindaun bilong asples bilong ol Knights long Hunter veli (valley).

"Mi sindaun wantaim Nathan na mi kirap nogut long save bilong em long ragbi lig," Bennett i tok long wanpela stetmen pepa i kam long Tinkler Sports Group.

"Mi laikim ol klap tu we wanwan praiwet man i lukautim, dispela man bai kisim klap i go long narapela level.

"Em i laik mekim Knights i kamap

wanpela klap we bai karim nem bilong ragbi lig insait long kantri na mi laikim dispela kain salens," em i tok.

Ol Knights i winim tupela primiasip pinis na i wanpela strongpela klap tu tasol ol i bin painim hat liklik long sait bilong mani na Tinkler i kamap long

gutpela taim long lukautim ol.

Siaman bilong Tinkler Sports Group, Ken Edwards i tok ol i wok long kamapim wanpela bikpela samt-ing bilong Knights na komyuniti bilong ol na i amamas tru olsem Bennett bai stap wantaim ol long dispela.

Idris bai lusim Bulldogs



NUPELA TIM: Idris i amamas long go long Titans long 2012.

CANTERBURY senta, Jamal Idris bai lusim ol long pinis bilong dispela yia long go long Gol Kos (Gold Coast) long pilai wantaim Titans long 2012 sisen.

Idris i sainim wanpela kontrak wantaim ol Titans we bai lukim em i pilai 5-pela yia wantaim ol.

Dispela bai stat long 2012, i go inap long pinis bilong 2016 sisen.

I gat bilip olsem dispela kontrak inap long \$1.8 milien mani mak we bai lukim em i stap insait long wanpela TV program na tu em bai gat wok olsem pes man bilong ol asples pilai bilong Australia.

Idris, 20 krismas, i stat pilai wantaim Bulldogs long 2008 na long 2010, em i go insait long NSW sait long Stet ov Orijin 1.

I gat bilip olsem Newcastle Knights tu i bin gat laik long kisim em tasol Idris i tok amamas long pilai wantaim Titans stat long 2012.

"Mi amamas long pilai wantaim ol Titans na tu long go long Gold Coast na taim lainim sindaun bilong ol long hap," Idris i tok long wanpela stetmen pepa.

"Tasol mi amamas tu long pilai wan-

taim Bulldogs na mi bai pilai strong bilong ol dispela yia long traime na lusim

ol wantaim gutpela win long pinis bilong long sisen," em i tok.



TIM POTO: Snax Tigers tim bilong dispela yia. POTO: Bustin Anzu.

Snax Tigers bai soim kala long Digicel kap

Bustin Anzu i raitim

SNAX Tigers, frensais tim bilong Lae i redi tasol long wanem taim Digicel kap resis bilong dispela yia bai op.

Tigers bai kisim ples bilong bipo Lae tim, Bombers.

Bihain long tupela yia, i nogat gutpela luksave long sponsa na i no pilai gut, ol i kaikai tit na redi tasol long soim belhat bilong ol long tupela yia.

Wan o tupela em ol olupela pilaia, tasol planti em nupela pes husat bai soim strong bilong ol dispela yia.

Wantaim luksave bilong namba wan bisket kampani, Lae Bisket Kampani (LBC), aninit long namba wan bisket, Snax, ol kampani redi long helpim ol mangi Morobe i kisim bek sampela nem nogut bilong Lae.

LBC em i wanpela grasruts bisket kampani, we i save givim taim bilong en wantaim ol liklik manmeri bilong Papua Niugini.

Kampani em yet i save helpim planti ol grasrut long ol pilai bilong ol o sios grup, mama grup na ol arapela husat i save kisim helpim long ol.

Kampani lukim olsem ragbi lig em i wanpela bikpela pilai we i save pulim planti manmeri long i go lukim.

Olsem na ol yet, bihain long planti yia, ol i helpim ol, i tok nau em taim bilong ol long givim han long sponsaim dispela pilai insait long Lae.

Nau, LBC i redi long helpim Snax Tigers.

Wok bilong ol pilaia em long givim ol yet long pilai.

Papa bilong kampani, Se Henry Chow, i bin tokim ol pilaia olsem ol bai mekim olgeta samting autsait i stret.

Wok bilong ol em long mekim wok bilong ol insait long pilai graun.

"Mipela bai lukautim yupela gut tru long autsait.

"Na em wok bilong yupela olgeta insait long fil long mekim olsem ol dispela hat wok i noken lus nating.

"Lae bisket kampani sambai tasol long mekim olgeta samting aninit long skai long lukautim yupela.

"Na yupela mas givim gutpela nem o



STRONG: Kuts i traिम long abrasim ol birua Lahanis long Goroka long wanpela trail pilai. POTO: Bustin Anzu.

samting i kam bek long kampani," Se Henry i bin tokim ol Snax Tigers pilaia long wanpela bung long stat bilong dispela yia.

Taim kampani bin tokaut olsem em bai lukautim dispela tim bilong Lae, we i bin ron aninit long Lae Bildas na Kontraktas (Lae Builders & Contractors) o LBC Bombers, dispela i kamapim bel isi long planti sapota.

Ol i bin tingim husat tru bai lukautim Bombers bihain long LBC i lusim ol.

Lae Bisket Kampani putim han long lukautim ragbi lig tim bilong Lae yet long nau na i go narapela 10-pela yia.

Lae Bildas i bin kisim Bombers tim long 1990, taim dispela bikpela pilai i bin stat i kam inap 2008.

Long las 18 sisen, Bombers i kamap bebi bilong Lae Bildas.

Taim ol i lusim Bombers, wanpela bisnis man bilong Australia, Richard Williams i kisim ples olsem sponsa aninit long bisnis bilong em, "PNG Australia Trade".

Tasol dispela wok i no ron gut tumas.

Papa bilong kampani stap long Australia na i no stap long Lae na i no lukim ol mangi bilong em i pilai olsem wanem.

Na tu, planti samting olsem mani bilong ol pilaia na wokabout bilong ol, i no ron gut.

Ol i save kaikai drai bisket long moning na long taim bilong pilai, ol i save kisim hap hap kolwara tasol long hap taim.

Tasol dispela ol samting i no stopim ol long pilai.

Ol i pilai strong na i save pretim ol ara-

pela tim husat i kam long Lae na tu taim ol i go aut long pilai.

Dispela tim spirit i stap yet.

Ol i no wari sapos Williams i stap o nogat.

Ragbi lig em i stap long bun bilong ol, olsem na ol i pilai yet.

Dispela pasin i stap long ol long taim Lae Bildas i bin stap wantaim ol yet.

Presiden, Russ Kaupa na tresera, Walis Pingin i save gat bikpela wari long tim bilong ol na sampela taim tupela i save rausim ai wara taim tupela i lukim ol i no slip na kaikai gut na pilai.

Kaupa i tok em tim bilong Lae yet na i yusim taim bilong em yet na mani bilong Lae ragbi lig long pilai.

Nau yet, ol dispela hevi na wari bilong tim bilong tupela bai stap long sait pas-taim.

Lae Bisket Kampani bin helpim narapela klab tim bilong Lae ragbi lig (LRL), Spiders.

Insait long 27 krismas, Lae Bisket i bin stap wantaim Spiders na i no pinis yet.

Tigers i no tingting long kisim ol pilaia long ol arapela provins o ol biknem pilaia olsem ol arapela tim i mekim.

Ol i gat bilip long ol junia pilaia long LRL yet na i putim ol i go insait long pilai.

Sampela i olupela liklik tasol bai givim sapot long ol mangi bilong ol olsem olupela Kumul fowet, Lawrence Goive, Jerry Kurts na Kerry Tapako.

Joe Wemin bilong Congo Coffee Simbu Warriors, husat i stap wantaim ol long las yia, bai givim sapot long tupela bikpela

brata bilong en long fowet.

Olpela Noten Zon na pawa haus fowet bilong PNG Ink na Tona Saplais Lae Royals, Bernard Pos Anzu, em narapela pilaia we ol fowet bai kisim sapot long en.

Nobert Torato, wanpela nupela pes insait long LRL, i pilai gut tru long fulbek posisen bilong Snax Tigers taim ol i pilaim Goroka Lahanis long wanpela trail gem long Goroka.

Ol beklain olsem Presiden 13 pilaia, Mai Tom, Mark Mexico na James Meninga, husat i pilai wantaim Toyota Enga Mioks long las yia, i go bek long Lae long sapotim tim bilong ol yet.

Snax Tigers em tim bilong PNG na em i no bilong ol Morobe, Momase o Hailans tasol.

Em i gat ol pilaia long Papua, Hailans na Niugini Ailan wantaim.

Olsem tupela man long 'pasin west' kantri, Augustine Reu na James Pologau, bilong Kimbe Warriors na Bobo Warriors.

Tigers menesmen i kisim tupela long CCIC o Coca Cola Ipatas Kap (Coca Cola Ipatas Cup) long stat bilong dispela yia.

Tupela wantaim i pilai gut tru long Goroka, maski ples i kol na i ren nogut tru.

Kosa Joe Verani, husat i lukautim Bombers long las tupela sisen i no winim wanpela bikpela pilai tasol menesmen bilong Tigers i bin luksave long em.

Dispela mangi Samarai, husat i bin pilai namba 7 bilong Magani long Lae, i no nupela long dispela.

Em yet i bin pilai na i save long ol pilaia na i amamas tasol long kisim ol gen long narapela sisen.

Ol i bin pilai na raun wantaim long tupela sisen na em i save gut long ol.

Sampela ol nupela pes tasol bihain long ol trail gem bai em i painim aut na putim ol long sampela posisen we em i ting ol bai pilai gut.

Verani tok wantaim nupela sponsa, em i bilip ol pilaia bilong em bai pilai gut na mekim het pen long sampela tim.

Digicel 2011 sisen bai stat long Me 1, 2011.

Tigers bai pilaim namba wan pilai bilong ol wantaim Structural Bridging Systems Limited (SBSL) Muruks long Lae.



Kutubu Moran spots developmen

moa i kam long las wik edisin

Narapela bikpela samting we i ken kamap em ol pilai graun nap les bilong trening i ken kamap gut moa wantaim sampela ol nupela samting olsem ol gol pos, masin bilong katim gras, ples bilong sindaun na lukim gem, haus bilong ol ofisol na planti arapela tu.

Wantaim sapot bilong Exxon Mobil, planti ol kain gutpela samting bilong komyuniti bai kamap na ol bai stretim tu dispela ol we i olupela na i bagarap pinis.

Planti ol samting we inap kamap long dispela kain ol spots developmen program bai stap long taim na i no bilong pinis nau tasol.

Planti wok insait long komyuniti olsem ol aweanes na arapela kain bung i mas kamap bai ol teknikal manmeri na ol yangpela etlit i ken stap insait long en.

Dispela ol teknikal manmeri na etlit i mas kamap gut long wok bilong ol na dispela kain ol samting i ken helpim ol long yusim gut ol save na skil bilong ol long helpim ol komyuniti bilong ol.

Ol teknikal manmeri mas yusim ol save na skil bilong ol long ol kain kain wok we ol i kisim trening long en na ol etlit i mas wokhat tasol long strongim save bilong ol long wanwan gem bilong ol.

Bikpela wok bilong spots developmen i mas kamap long Kutubu na Moran.

Olsem mi tok pinis long hia, Exxon Mobil na PNGSF i mas i gat gutpela wokbung long lukim tru olsem ol dispela kain program i kamap na i ron gut bilong ol manmeri.

Soka progrem i go long ol skul

i kam long pes 32

Ol bai gat save tu long wanem kain ol stail o skil bilong kikim bal gut.

Progrem i bin kamap gut tru long Hagara na PNGFA aninit long kodineta bilong program, Taku Niebo i gat tingting long kisim i go long planti moa skul insait long siti bipo ol i kisim i go long ol arapela provins.

Just Play em i wanpela progrem bilong Oceania Football Confederation (OFC) wantaim helpim bilong AusAID na ol i lonsim long PNG long Mas 25, dispela yia.

PNGSFOC painim ol 1963 Saut Pasifik Gems etlit

DISPELA yia bai makim 48 yia bilong Saut Pasifik Gems na Papua New Guinea Sports Federation and Olympic Committee (PNGSFOC) i wok long painim ol etlit bilong namba wan PNG tim husat ol i bin winim medol.

PNG i bin salim 86 etlit na ofisol i go long namba wan Saut Pasifik Gems we i bin kamap long Noumea long Nu

Kaledonia long 1963.

Ol i bin makim PNG long soka, etletiks, basketbol, boksing, tenis, swimming na tebol tenis.

Long Ogas 27 i go September 10, dispela yia bai Pasifik gems i kamap long gen long Noumea na long wankain taim ol i laik amamasim dispela 48 yia krismas bilong en.

Na long mekim dispela, ol ogenaia bilong 2011 Pasifik Gems i laik bai PNG na wanwan Pasifik kantri salim wanpela etlit bilong ol husat i bin stap long namba wan gem, long go.

Astingting em long bungim olgeta dispela olupela etlit wantaim long wanpela Pasifik tim.

Sekreteri Jenerel bilong

PNGSFOC, Auvita Rapilla i tok ol i painim ol dispela olupela etlit bilong PNG nau na husat i stap i mas ringim John Susuve long telefon; 325 1411 o e-mel long GamesCoordinator@pngsfo.org.pg long save moa.

Em i tok sampela ol nem we i kamap ples klia em Ivaroa Haro Kapoe husat i dai pinis na Oa Ivaharia.

Kapoe i bin winim silva medol na i pilai long 100m, 200m, kalap (high jump), longpela kalap (long jump), sot put (shot putt), diskas (discuss) na tromoi spia (javelin).

Ivaharia i bin pilai sot put, diskas na tromoi spia.

Ol ogenaia bai helpim long kisim dispela ol bipo etlit i go long Noumea na kam bek.

Nandex tingim bek

Andrew Molen i raitim

LONG las wiken, Stanley Nandex i kisim malolo long wok na i go bek long haus long rausim das na arapela pipia long ol trofi, belt na ol medol bilong em.

Nandex i pinis pait olsem wol sempion na namba wan profesenol kikboksa bilong Papua Niugini, long Epril 25, 2009.

Dispela Epril 25, dispela yia, bai makim namba tu yia bilong em bihain long em i pinis pilai.

Em i tok amamas long ol samting em i winim na tu long gutpela nem em i mekim bilong PNG.

"Mi laik tok amamas tu long ol famili na poro bilong mi long ol helpim na prea bilong yupela long taim mi save pait, spona bilong mi MRDC, nesenel gavman na tu ol nius manmeri long gutpela wok bilong yupela," Nandex i tok long wanpela e-mel long Trinde dispela wik.


"Mi mekim histri long dispela kantri wantaim gutpela sapot na helpim bilong yupela.

"Mi bai no inap lustingting long dispela, bai mi tingim olgeta taim na amamas long yupela," Nandex i tok.

Laspela pait bilong Nandex i bin kamap long Sir John Guise stadium long Mosbi we ol manmeri pulap long lukim em i mekim laspela pait bilong em.

Nandex i pait agensim Chris "White Sniper" Johnson bilong Nu Silan long wol taitol na i bin win.

Em i stap yet olsem wanpela lida long spots na i save trenim ol yangpela long kikboksing.



BIPO SEMPION: Nandex i sanap wantaim sampela ol trofi em i winim bipo taim em i save pait. POTO: i kam long Stanley Nandex.

PILAI: Tupela sumatin bilong Hagara Praimeri skul long Mosbi, pilai soka aninit long Just Play program taim PNGFA i go long skul bilong ol las wik.



Pilai tasol

Soka program i go long ol skul

Andrew Molen i raitim

I GAT tripela astingting bilong pilai soka, dispela em long pilai soka, lainim ol nupela skil o stail bilong pilai na tu bung na amamas wantaim ol arapela manmeri.

Dispela tripela samting em ol astingting i stap insait long dispela nupela "Just Play" (Pilai Tasol) program we Papua New Guinea Football Association (PNGFA), i wok long kisim i go long ol skul insait long Mosbi siti.

Long Tunde, dispela wik, ol i kisim dispela program i go long Hagara praimer skul.

Oi i kamap long moning na ol sumatin i no westim taim long sanap redi na putim yau long

lainim samting.

Insait long dispela program, ol sumatin i lainim ol stail na skil bilong pilai soka na long wankain taim, ol i luksave olsem soka i ken kamap long wanem ples ol i pilim gutpela long pilai long en. Planti bilong ol samting ol i lainim olsem long kik bal i go long narapela pilaia, em ol samting we i save kamap insait long ol gem.

Wanpela hevi ol opisa bilong PNGFA i bin bungim taim ol i go long ol skul em, planti ol skul i nogat gutpela pilai graun na ples bilong pilai tu i no bikpela tumas. PNGFA i laik bai planti moa yangpela manmeri save gut long pilai soka bait aim ol i go bikpela na i pilai long ol bikpela gem, ol i ken i gat gutpela save na tingting bilong pilaim gem pinis.

Moa long Pes 31.

Bennett bai go long Knights. P29

Snax Tigers i laik soim kala na apim nem bilong Lae gen. P30

Wanpela PNG etlit bilong 1963 Saut Pasifik Gems. Pes 31

Johnston's Pharmacies



For First Aid Kits. Red8 Body Bulk Protein Supplements. Thompson Vitamins, Bandages, Strapping Tape, Mouth Guards.

All Sport and First Aid requirements.



P.O.Box 1066 Boroko. Phone 325 3185. Fax 325 0190. Email sales@johnstons.com.pg."